

壽
樂
廬
儀
禮
大
固

儀禮喪固卷十五

壽櫟廬叢書之一

名山吳之英典

特牲饋食禮第十五篇 牢畜供祀謂之牲子牲謂之特祭
例腥曰朝事飪曰饋食士不薦腥故名唯特牲爲自耐祭
後至禋之吉祭而篇中當析爲二節蓋練祭不旅奠酬不
舉則斷至嗣舉奠復位而告利成由兄弟弟子舉觶以至
終篇則大祥及禋全用之因不必更名立篇故屬其文俟
用者之酌取也大戴第七小戴第十劉錄鄭目皆十五篇
特牲饋食之禮不諏日 用特牲據常祭以未純吉諏謀不
諏日不豫儼幹支剛柔通用

及筮日主人冠帶玄卽位于門外西面子姓兄弟如主人之

服立于主人之南西面北上有司羣執事如兄弟服東面北上
不飯而筮爲求吉冠端玄冠玄端亦玄爲筮日變門外
廟門外姓生子姓子孫屬先子姓後兄弟中見大功起有
服者皆泣筮如主人服從主人變立主人南如臨位有司
司專禮者羣執事佐事者東面北上從賓位

席于門中闌西闕外筮人取筮于西塾執之東面受命于主
人宰自主人之左贊命命曰孝孫某筮來日某諏此某事適
其皇祖某子尙饗筮者許諾還卽席西面坐卦者在左卒筮
寫卦筮者執以示主人主人受視反之筮者還東面長占卒
告于主人占曰吉若不吉則筮遠日如初儀宗人告事畢
取筮西塾起饌位東面受命變筮宅南面宰贊命主人猶

不自命自主人左變筮宅時在右稱孝孫已耐辭來日近日某不必丁亥稱諶始就筮諶某事兼常事祥事歲事稱適沿虞辭某下字加于尊之不稱以某妃配某氏猶未配筮者許諾不述命沿卜葬日儀寫畫寫卦卦者筮者執示卦者授之親受親反變于卜葬告主人亦筮者告占曰吉告辭旬之外曰遠某日

前期三日之朝筮尸如求日之儀命筮曰孝孫某諶此某事適其皇祖某子筮某之某爲尸尙饗期祭期前期三日旣筮將宿尸當致齊筮某稱尸父名下某尸名欲神知親屬或愛依之故云尙饗

乃宿尸主人立于尸外門外子姓兄弟立于主人之後北面

東上尸如主人服出門左西面主人辟皆東面北上主人再拜尸荅拜宗人擯辭如初卒曰筮子爲某尸占曰吉敢宿祝許諾致命尸許諾主人再拜稽首尸入主人退乃宿尸筮吉則宿子姓兄弟從者初卽吉未遽變立主人後少退爲列北面東上僣屬尸尸出門西面賓主人主人辟順尸意卽賓位稱辟爲名皆東面北上仍屬主人主人拜尸荅致宿儀尸出不先拜聞擯稱宿宗人擯不敢遽用祝辭如初如筮尸起筮尸時宗人命筮卒曰易命筮末辭稱子尊尸某死者字占曰吉告以質敢宿使知爲宿祝周祝祝事尸由宿始許諾荅宗人致命述于尸旣宿待以神尸許諾不敢辭祝以告宗人宗人告主人再拜稽首謝其許成尸尊

尸入辟主人拜從眾子禮古文宿作羞今文無敢

宿賓賓如主人服出門左西面再拜主人東面荅再拜宗人
擯曰某薦歲事吾子將涖之敢宿賓曰某敢不敬從主人再
拜賓荅拜主人退賓拜送吉祭不宿賓宿賓爲先不敢官
戒也主人不先北面賓卑于尸子姓兄弟不從賓疏于尸
賓先再拜備主禮主人東面荅同賓禮某主人名歲事猶
時事將猶請某賓名敬從不可辭反不爲期初吉簡

厥明夕陳鼎于門外北面上有鼎楸在其南南順實獸于
其上東首牲在其西北首東足厥明夕宿賓之明日日景
陳鼎陳三鼎門外直門中由右而中卽吉以漸先陳鼎後
視殺別于純吉北面北上仍虞鼎之陳楸載器南順從陳

獸腊稱獸。姦野鮮。東首橫陳。別于牲。稱牲。起牢畜。以薦神。
文其名。其西。獸西。猶西上。北首。東足。寢左。標升右胖。古文
鼎爲密。

設洗于阼階東南。壺禁在西序豆邊。鉶在東房南上几席兩
敦在西堂。設洗阼階東南。復吉位。壺禁在西序。將尊于室
外。猶陳之西。豆邊。鉶在東房。渚從薦。由左房。變虞西楹東
位。南上。變虞北上几。漆几。席萑席。兩敦。一黍。一稷。仍虞敦。
在西堂西夾前。易虞時西序下與階間位。

主人及子。姓兄弟。卽位于門東。如初。賓及眾賓。卽位于門西。
東面。北上。宗人祝立于賓西北。東面。南上。主人再拜。賓荅再
拜。三拜。眾賓。眾賓荅再拜。卽位。將視濯。先爲外位。子。姓。兄。

弟賓及眾賓咸在。沿虞事如初。如筮日。門西東面北上。從賓位。以筮日無賓。詳之。宗人祝立賓西北。少退爲列。南上。別于賓。猶拜賓。又勞以吉祭。賓賓長荅再拜。同等相敵三拜。旅眾賓荅再拜。初卽吉。成主人之尊。

主人揖入兄弟從賓及眾賓。從卽位于堂下。如外位。宗人升自西階。視壺濯及豆。邊反降。東北面告濯具。賓出。主人出皆復外位。如外位。宗人祝從眾賓立。西階西南。宗人視西堂。乃升。自西階。吉祭。主人專作。視壺濯及豆。邊先西序。後東房。反降。仍由西階。東北面。由其位。上鄉主人。告濯具。成視濯儀。賓出。逆出。宗人祝從主人後。復外位。省牲。今文復作反。

宗人視牲告充雍正作豕宗人舉獸尾告備舉鼎鼐告潔請
期曰羹飪告事畢資出主人拜送 視周視充足雍正假名
儼天官外饗作動緩其縛標壯實舉獸尾駭全體備完告
備無傷瘼舉鼎鼐標見中告潔鼐潔鼎潔清淨所以交神
明請期宗人北面待羹飪所以爲饋食告事畢三事俱畢
夙興主人服如初立于門外東方南面視側殺 夙興當期
之旦欲羹早飪故夙興南面從吉殺所自主陳有腊故殺
稱側視殺亦視豚解

主婦視饋饗于西堂下 在西堂下南其哭近兩敦變虞時
東壁而遠之爲卽門外東北之漸饋饗中饋事故主婦視
宗婦贊告以門外視殺爲節

烹于門外東方西面北上 東方西面北上變虞門西北面
北上從吉祭烹位古文饎作糇

羹飪實鼎陳于門外如初尊于戶東玄酒在西實豆邊鉶陳
于房中如初執事之俎陳于階間二列北上盛兩敦陳于西
堂藉用萑几席陳于西堂如初 言羹飪實鼎起先夕陳鼎
卽就烹爨故如初不名骨體仍虞之簡戶東室戶東變虞
室中位猶未正房戶間位玄酒變虞醴在西則酒東實豆
邊鉶臨事尙新吉祭有文綜目執事在廟以與禮爲貴陳
階間仍虞祝俎位二列賓黨西主黨東北上據設次亞而
南盛兩敦實黍稷藉用萑貴穀几席再言陳嫌因易位古
文用爲于

尸盥匱水實于槃中。簪巾在門內之右。目尸盥。特設順尸。不就東盥。匱水實槃中。亦南流。門內右起盥。設門左簪巾。當門。于盥爲右。猶虞稱在槃東也。特變西階南位耳。

祝筵几于室中東面。筵几先筵後几。筵南首。几在右。皆取于西堂。祝兼之。沿虞之簡。既發禮帛。仍出就外位。

主婦纓笄宵衣。立于房中南面。纓笄宵衣。初吉未敢盛服。立房中。變虞不位于堂南面。內主位。

主人及賓兄弟羣執事。卽位于門外如初。兄弟當屬主人。羣執事門西。順賓而異列。錯言者。主人既及賓。羣執事宜次兄弟如初。如視濯外位。

宗人告有司。具主人拜賓如初。揖入卽位如初。佐食北面立。

于中庭 拜賓如初如視濯之拜入卽位如初如視濯時堂下位先爲外位拜賓而入沿虞制佐食北面立中庭將待命先位宗人東起不得同外位

主人及祝升祝先入主人從西面于戶內 言及升異階祝由宗人北升從祝先入謂及戶時祝入表位爲主人將復出故變虞之從戶內西面仍虞面亦吉祭面位不正標祝面監設容南面

主婦盥于房中薦兩豆葵菹蜩醢醢在北 房中盥在北堂盥爲薦卽薦席主豆爲設者標不用贊兩豆簡主婦始親饋事變于虞醢北則菹南

宗人遣佐食及執事盥出主人降及賓盥出主人在右及佐

食舉牲鼎賓長在右及執事舉魚腊鼎除俎宗人執畢先入當阼階南面鼎西面錯右人抽局安于鼎北贊者錯俎加匕乃牝佐食升俎俎之設于阼階西卒載加匕于鼎主人升入復位 遣猶命宗人遣盥文于虞遣佐食及執事所以警主人與賓主人降爲虞時舉鼎未出今當親之賓士助祭者不官目尚簡及賓盥出勞不嫌先主人在右師襄禮者及佐食舉牲鼎佐食在左以北鼎先賓長二人在右亦尊言及執事二人左變虞時長在左除俎右人不以入變于虞不去局爲鉗鼎畢岐匕以形同畢網名執畢標有指授先入爲舉者道起出卽先當阼階南面標位因監載變虞西階前位鼎西面錯別外陳位右人主人及賓虞禮左人

抽扃鼎長在左因舉未除鼎今除鼎特抽扃委鼎北辟杞
載贊者執俎與匕者錯俎直鼎西加匕東枋既加逆退乃
杞右人長在右從吉少牢所謂長杞右杞則左載變虞右
人載不目骨體因升鼎簡沿虞簡昕明尙明淨昕俎受祭
餘載心舌爲禮校虞從篚文升猶過既載乃遷先昕俎尊
尸鼎之待羞設阼階西西肆不與正俎陪俎同執加匕于
鼎爲卒載標

俎入設于豆東魚次腊特于俎北主婦設兩敦黍稷于俎南
西上及兩鉶芼設于豆南南陳祝洗酌奠奠于鉶南遂命佐
食啟會佐食啟會卻于敦南出立于戶西南面主人再拜稽
首祝在左卒祝主人再拜稽首俎入升西階牲先魚腊從

豆東菹豆東魚次次俎而東腊特俎北間列當醢豆西上
黍北當俎稷在東北當魚兩鉶倍于虞言及主婦自反卽
設仍虞節少牢則陰厭無鉶鉶爲尸羞也主婦竝設變虞
贊設豆南菹豆南南陳縮列祝洗就阼階東南取筐鬴酌
奠并酌入爲奠代主人事神奠鉶南當几遂命因奠畢命
啟會標神將饗卻敦南各當其敦出立戶西南面佐食無
事之位主人拜祝不饗不命佐食祭不取奠鬴祭神去人
日遠漸異人道故變于虞祝在左起主人牝俎入祝還而
左自左祝變接生人詔辭法若曰孝孫某敢用剛鬣嘉薦
普淖普薦清酒適其皇祖某子尙饗主人拜不出已位戶
內故異于虞

祝迎尸于門外主人降立于阼階東尸入門左北面盥宗人授巾祝迎尸逆出主人從于門外就西次請之主人降立俟尸尸入門左祝先入表位北面盥當槃南宗人授巾沿虞法

尸至于階祝延尸尸升入祝先主人從尸卽席坐主人拜妥尸尸答拜延尸尊尸尸升入升遂入延尸卽祝前言先者起至尸祝讓尸祝相尸亦道主人故介于中主人升阼階及祝故從主人拜妥尸不及祝始親事祝不參變于虞少牢祝主人皆拜妥尸同虞者間一以爲別酌特牲在吉凶間也

執奠祝饗主人拜如初祝命授祭尸左執觶右取菹孺于醢

祭于豆間佐食取黍稷肺祭授尸尸祭之祭酒啐酒告旨主人拜尸奠解荅拜祭鉶嘗之告旨主人拜尸荅拜 奠祝所酌尸代神饗以執奠始祝饗因執奠見尸饗稱饗異虞先祭時祝奠畢卽饗猶別于少牢專事尸不饗主人拜尸不荅仍虞制祝命命佐食通意于尸接卽墮以聲近借自取孺豆近祭豆間發祭耑啐酒猶虞之嘗醴因祭酒祝不祝故遂啐變于虞告旨從賓禮主人拜荅告意始執終奠皆稱解起祝固洗解沿虞法事神猶不用爵嘗鉶又告旨盈其文虞時嘗鉶在爾黍稷後將間馘之終設也主人拜接祭成今文接作綏。

祝命爾敦佐食爾黍稷于席上設大羹湑于醢北舉肺脊以

授尸尸受振祭嘑之左執之乃食食舉主人羞听俎于腊北
尸三飯告飽祝侑主人拜佐食舉幹尸受振祭嘑之佐食受
加于听俎舉獸幹魚一亦如之尸實舉于菹豆 苾爾黍稷
備敦食變虞唯錯黍于席上當鉶西設大羹清仍虞制于
醢北北出比奠變虞設鉶南乃食正設齊虞尸飯在設馘
後少牢在祭鉶後相變也舉謂肺脊以尸食常舉目食先
肺後脊用正體發食端變虞執之不食末遽同少牢食舉
乃飯也主人親羞听俎以心舌體主又將爲眾祭所歸故
沿虞奉篚意設之于腊北遠腊虛羞豆位告飽自節三飯
文于虞贊進爲侑因告飽加之禮辭曰皇尸未實侑虞九
飯三節不告飽故無侑少牢祝侑在七飯後主人侑在八

飯後尤文也主人拜因祝達侑意尸不荅從其侑以代荅
三飯舉幹尸食之敘佐食受不煩尸加斂俎將歸尸沿虞
加篚意獸幹腊脅舉腊如牲魚一標舉俎蕤實舉菹豆以
既食不舉以卒食尸尊伸于虞

佐食羞庶羞四豆設于左南上有醢尸又三飯告飽祝侑之
如初舉骼及獸魚如初 庶羞謂臠虞與少牢俱用臠知無
炙設于左據室不據尸謂會稷魚腊東潛北不成設也南
上次而北有醢與豆竝告飽又節三飯仍祝稱侑又猶略
如初則主人拜如初舉骼仍虞六飯後之舉及獸魚如初
獸亦舉骼魚亦舉一每節及獸魚不變雖加十虞亦不得
過文也

尸又三飯告飽祝侑之如初舉肩及獸魚如初佐食盛所俎
俎釋三个舉肺脊加于所俎反黍稷于其所 又三飯告飽
卒食沿虞九飯節少牢十一飯卒食不告飽物備尸尊也
祝猶侑取侑以三成欲尸終十一飯如初則以不聽侑爲
不受拜故亦不荅舉肩仍虞九飯之舉及獸魚亦腊肩魚
一盛所俎備歸尸仍虞實篚意所俎亦別遠設列故俎釋
三个沿虞之釋舉肺脊加所俎佐食由菹豆舉加雖變虞
受實猶若尸執以卒食然反黍稷不復食並反如虞特反
所初設處。

主人洗角升酌鬯尸尸拜受主人拜送尸祭酒啐酒賓長以
肝從尸左執角右取肝搗于鹽振祭嗜之加于菹豆卒角祝

受尸角曰送爵皇尸卒爵主人拜尸荅拜 洗角用吉器變
虞廢爵猶不遽同少牢用爵主人拜送變虞尸先拜受啐
酒略爲儀變虞稱嘗以肝從當同虞縮右鹽加菹豆變虞
加俎則賓長以虛俎反奠曰送爵皇尸卒爵所謂相饋變
虞不相今文酬爲酌啐酒曰啐之古文賓下無長

祝酌授尸尸以醋主人主人拜受角尸拜送主人退佐食授
援祭主人坐左執角受祭祭之祭酒啐酒進聽嘏佐食搏黍
授祝祝授尸尸受以菹豆執以親嘏主人主人左執角再拜
稍首受復位詩懷之實于左袂挂于季指卒角拜尸荅拜主
人出寫齋于房祝以遵受 祝酌不洗欲主人襲神餘尸醋
主人從賓報爵尸拜送變虞稱荅主人退反位舉祭藉辟

尸拜退不拜仍虞簡猶不遽同少牢俛拜授授祭兼取黍稷肺祭于尸席又于虞主人坐授祭宜受祭右受祭之敘祭羞豆間啐酒坐啐加于虞嘏福因爲尸代神報主名初從吉受嘏變于虞進聽前尸爲敬少牢祝與二佐食出盥入贊此以初吉猶質搏鬯撮使相箸特用黍不取下穀佐食不授尸而因祝爲祝不同少牢之傳嘏祝授尸尸當親嘏尸受以菹豆神此黍執以親嘏初卽吉尸不全其餘沒嘏辭約同少牢主人左執角因醕受嘏不敢奠再拜稽首拜于所進位爲謝嘏受右舉搏黍尸不荅拜致神意不敢冒神福復位將懷黍詩猶特衣覆曰懷詩懷特用右手神賜尚右袂補實左袂坐人尙左左已執角不相助並受宜

挂曲鉤之季指小指挂防隊于季指不礙執轅由醑受故
角于既懷卒卒角拜則執角與主人出祝從下注曰寫實
爰曰嗇稱嗇取神貺天來當而藏之于房內位祝以遵受
奠之因未傳報當終神事古文醑作醑按作妥挂作卦

筵祝南面主人酌獻祝祝拜受角主人拜送設菹醢俎祝左
執角祭豆興取肺坐祭臠之興加于俎坐祭酒啐酒以肝從
祝左執角右取肝擣于鹽振祭臠之加于俎卒角拜主人荅
拜受角 酌獻祝用醑尸角不洗因尸醑儀祝拜受角因拜
遂受仍虞節少牢亦坐受知祝受獻例同以不敵故主人
拜送變虞稱荅初吉有文稍展勞意菹醢兩豆仍虞之薦
俎脰脊脅膚離肺啐酒爲文變虞稱嘗卒角拜仍虞節則

亦坐授角

酌獻佐食佐食北面拜受角主人拜送佐食坐祭卒角拜主人荅拜受角降反于簠升入復位 不先筵爲不入薦俎陳階間不升賤之也猶獻于室勞于所有事也酌不洗詎當襲祝也北面戶西拜受如祝之受主人拜送因勞祝及之沿待祝意亦變虞之荅名升入復位變虞升堂復位以位在內

主婦洗爵于房酌亞獻戶戶拜受主婦北面拜送宗婦執兩盞戶外坐主婦受設于敦南祝贊盞祭戶受祭之祭酒啐酒兄弟長以燔從戶受振祭墮之反之羞燔者受加于昕出戶卒爵祝受爵命送如初 虞時主人用廢爵則主婦用足爵

今主人用角故主婦用爵服原輕于主人也洗于房取于房簠尸先拜受仍虞節主婦北面拜送順獻位當在主人西南變虞時與主人同面亦別于少牢主人北西面宗婦宗人妻贊執變虞時自反主婦尊漸伸戶外坐猶不入贊受設敦南仍虞之設祝贊遵祭視虞加文佐食不得入贊故尸受祭先棗後栗啐酒文于虞之嘗亦異少牢之祭卽卒燔從沿虞制爲不償尸盛之兄弟長以從變虞賓長反之不加菹豆羞燔者受加昕亦終其事代佐食以虛俎降醋如主人儀主婦適房南面佐食授祭主婦左執爵右撫祭祭酒啐酒入卒爵如主人儀 主婦有醋加于虞如主人儀襲獻爵拜受退適房南面正內主位佐食授祭取以從入

奠于位南撫祭親之以無席無祭所故入還入室尸不偁
夫婦一體從夫受福卒爵受尸醕對尸卒如主人儀不俛
拜

獻祝邊燔從如初儀及佐食如初卒以爵入于房 獻祝襲
尸爵邊燔從仍虞法如初儀如亞獻尸儀及佐食如初亦
徒獻如主人

賓三獻如初燔從如初爵止 賓三獻虞用總爵今當用吉
爵如初如主婦亞獻燔從如初賓亦沿虞制爵止尸祭啐
奠之因已受三爵主人主婦尙未得獻不當邊醕及賓
席于戶內主婦洗爵酌致爵于主人主人拜受爵主婦拜送
爵宗婦贊豆如初主婦受設兩豆兩邊俎入設主人左執爵

祭薦宗人贊祭奠爵興取肺坐絕祭臠之興加于俎坐挽手
祭酒啐酒肝從左執爵取肝擣于鹽振祭臠之宗人受加于
俎燔亦如之興席末坐卒爵拜主婦荅拜受爵酌醋左執爵
拜主人荅拜坐祭立飲卒爵拜主人荅拜主婦出反于房
席戶內戶席東洗爵獻尸已用爵酌仍室戶東主人拜受
爵主婦用爵不當爲易宗婦贊豆猶亞獻薦籩此先豆故
如初受設兩豆醢在南兩籩栗在西皆不自反俎臂正脊
橫脊長脅短脅膚離肺入設特栗南菹西宗人贊職相主
人祭籩祭奠爵興取肺將左執本肝從先蒸肝燔亦如之
備從俎酌醋主婦受爵自酌代醋不洗宜襲夫爵左執爵
不敢奠卒爵拜奠爵拜執爵興出反房以爵反今文曰主

婦洗酌爵自此至終篇皆加于虞以漸吉加于少牢以不
儋尸少牢若不儋尸則略同也特牲始卽吉本不儋尸于
正祭備儀焉

主人降洗酌致爵于主婦席于房中南面主婦拜受爵主人
西面荅拜宗婦薦豆俎從獻皆如主人主人更爵酌醕卒爵
降實爵于篚入復位降洗洗爵因主婦用爵拜受于位西
面荅拜正主位宗婦薦豆兼設醢豆在東無籩同主婦致
爵時贊豆賅籩俎載折餘如昨俎從獻亦肝從燔從更爵
酌醕不襲婦爵更猶用爵因主婦喪之變吉略由內主之
漸也古文更爲受

三獻作止爵尸卒爵醕酌獻視及佐食洗爵酌致于主人主

婦燔從皆如初更爵醋于主人卒復位 三獻謂賓作止爵
告尸請舉前所止爵尸卒爵聽賓作醋尸醋賓酌獻祝及
佐食同主婦亞獻變虞時不及祝佐食洗爵酌致尊主人
主婦起獻祝佐食不洗酌致主人因尸內席拜送北面酌
致主婦因房中席拜送東面燔從不從肝目所降醋賓自
醋不敢襲用主婦爵故更不洗嫌自尊不于致主人後醋
本擬合醋沒主婦文所以遠別酌就尸內北面若偏得主
人醋然

主人降阼階西面拜賓如初洗賓辭洗卒洗揖讓升酌西階
上獻賓賓北面拜受爵主人在右荅拜薦脯醢設折俎賓左
執爵祭豆奠爵興取肺坐絕祭臍之興加于俎坐挽手祭酒

卒爵拜主人荅拜受爵酌醕奠爵拜賓荅拜主人坐祭卒爵
拜賓荅拜揖執祭以降西面奠于其位位如初薦俎從設
拜賓將獻如初如告具將入時洗取篚爵獻賓用爵致與
醕已用西階上從平時獻賓位折俎脰脊脅膚離肺酌醕
自醕因賓致時自醕揖揖主人爲將降執祭降貴祭辟後
獻不設于堂西面奠于位順降位位如初不因奠改有司
徹所謂坐委于西階西南也既奠仍東面薦俎從設有司
徹所謂宰夫執薦從設祭東司士執俎從設薦東也今文
賓辭無洗。

眾賓升拜受爵坐祭立飲薦俎設于其位辯主人備荅拜焉
降實爵于篚升拜受爵無辭洗揖讓節下長賓坐祭立飲

有司徹以爲不拜既罷。眾賓俎皆肴。膚離肺設于位。先不升。簡從設位。繼上賓而南。辨不醕。皆自酌。主人尊未伸。有司徹則宰夫贊酌以辯。備荅拜。荅升受之拜。降實爵于篚。獻賓爲一節。古文備爲復。

尊兩壺于阼階東。加勺南枋西方亦如之。尊阼階東爲主黨舉旅。南枋宜酌西方西階西亦如之。爲賓黨舉旅。

主人洗觶酌于西方之尊。西階前北面酬賓。賓在左。主人奠觶拜賓。荅拜。主人坐祭卒。觶拜賓。荅拜。主人洗觶賓辭。主人對卒洗酌西面。賓北面拜。主人奠觶于薦北。賓坐取觶還東面拜。主人荅拜。賓奠觶于薦南。揖復位。洗觶降于獻酌西面。方尊就其位發酌。北面將自飲。再洗爲賓潔。西面鄉設。

奠觶薦北未純吉知不舉意不煩賓遷奠先左之有司徹
投賓不奠純吉也賓坐取觶北面還左還東面拜屬北面
爲挾拜奠觶薦南轉易于右意欲慰主人復吉酬位有司
徹賓奠薦左以純吉所謂練祭奠酬于賓賓弗舉也揖賓
揖主人復位就設東面

主人洗爵獻長兄弟于阼階上如賓儀 洗爵因獻賓用爵
于阼階上就主位爲獻位設薦俎其俎折脊脅膚離肺如
賓儀如長賓儀

洗獻眾兄弟如眾賓儀 洗各爲洗如獻眾賓起獻眾賓洗
薦俎如之

洗獻內兄弟于房中如獻眾兄弟之儀主人西面荅拜更爵

醕卒爵降實爵于篚入復位 洗獻仍用爵因致主婦已用爵內兄弟內賓宗婦如獻眾兄弟儀則拜受者北面不殊長以內賓略薦俎亦如之設各從其位主人西面荅拜起獻就主位有司徹則授受同南面以純吉正內位也更爵不襲內賓爵醕既辯而合醕

長兄弟洗觚爲加爵如初儀不及佐食洗致如初無從觚酒器受二升洗觚取別于酬加爵勸爵初謂三獻不及佐食唯及祝標其異洗致因加尸爵觚洗致主人主婦無從徒致

眾賓長爲加爵如初爵止 稱眾賓長別于三獻賓加爵亞于長兄弟祭祀之誼先親後疏如初如長兄弟之加爵止

者尸又奠之蓋主黨賓黨皆已加爵禮意略周則當待嗣
入舉

嗣舉奠盥入北面再拜稽首尸執奠進受復位祭酒啐酒尸
舉肝舉奠左執觶再拜稽首進受肝復位坐食肝卒觶拜尸
備荅拜焉舉奠洗酌入尸拜受舉奠荅拜尸祭酒啐酒奠之
舉奠出復位 嗣主人子卽虞時衰經奉篚哭從尸之一人
故漸吉之祭得與奠尸所止爵舉奠擬代作題入見意沿
虞法少牢則無也盥以特禮致潔入北面辟主人位再拜
稽首展敬皇尸尸執奠親授傳愛意祖尸有及孫之恩進
受右還西面祭酒啐酒備儀尸舉肝令佐酒卽受酌時加
菹豆之肝不以肝從本非正爵直稱舉奠名所事爲稱嗣

則沒禮。左執觶尊者賜不敢釋起衆賓長加爵時洗觶降
兄弟長再拜稽首謝加賜進受右受坐食肝先卒肝不祭
尸啻之餘備荅綜目三拜洗酌入降洗升酌入北面爲奠
已舉宜賡加尸祭啐達其意起前所止未祭啐奠之仍止
不沒先加者禮舉奠出降西階復位阼階東至此斷爲一
成蓋練以前之祭當于嗣舉奠出復位而告利成也大祥
則續事焉。

兄弟弟子洗酌于東方之尊阼階前北面舉觶于長兄弟如
主人酬賓儀 兄弟弟子族姓舉觶長兄弟因事長與禮東
方尊阼階東兩壺阼階前北面主黨酬位主人酬賓未酬
長兄弟所以優賓而略主黨兄弟弟子如之以舉觶代主

人酬奠于右長兄弟左之自此以下至徹俎又爲一成大祥前則去之大祥至禫則合上節用之。

宗人告祭禱乃羞。俎實謂之禱告祭者獻時唯賓與長兄弟薦俎得升餘未得祭故宗人于未旅先告使祭內賓從祭羞庶羞乃羞不殊目內賓外賓要以畢祭爲羞節。

賓坐取觶阼階前北面酬長兄弟長兄弟在右賓奠觶拜長兄弟荅拜賓立卒觶酌于其尊東面立長兄弟拜受觶賓北面荅拜揖復位。坐取觶取前易奠薦南酬觶阼階前北面就長兄弟左酬長兄弟取敵長兄弟在右從主黨位其尊東尊東面立執鄉所酬變自卒之北面拜受觶既拜右還賓北面荅拜既授亦右還起長兄弟拜卽北面揖賓揖復

位賓自就薦

長兄弟西階前北面眾賓長自左受旅如初長兄弟卒鱠酌于其尊西面立受旅者拜受長兄弟北面荅拜揖復位西階前北面執賓酬鱠就右位賓發酬尚故次酬眾賓長自左受旅從賓黨位如初如長兄弟受賓酬其尊西尊西面立鄉所旅長兄弟北面荅拜既授左還起受旅者北面拜左還受揖長兄弟揖復位自就東薦

眾賓及眾兄弟交錯以辯皆如初儀 交錯以次迭旅辯卒受者以虛爵奠篚

爲加爵者作止爵如長兄弟之儀 爲加爵者眾賓長作止爵舉奠所酌仍同己加作之如長兄弟不及佐食洗致如

初無從

長兄弟酬賓如賓酬兄弟之儀以辯卒受者實觶于筐長兄弟酬賓取兄弟弟子所舉奠觶賓唯酬長而如其酬兄弟者由長兄弟發端則賓酬次及兄弟欲起同儀先錯如之卒受實觶節旅一終

賓弟子及兄弟弟子洗各酌于其尊中庭北面西上舉觶于其長奠觶拜長皆荅拜舉觶者祭卒觶拜長皆荅拜舉觶者洗各酌于其尊復初位長皆拜舉觶者皆奠觶于薦右長皆執以興舉觶者皆復位荅拜長皆奠觶于其所皆揖其弟子弟子皆復其位賓弟子亦舉觶于長從主黨儀言及兄弟弟子尊賓黨各酌其尊賓弟子酌西尊兄弟弟子酌東尊

中庭北面以竝舉同爲位西上賓弟子左奠觶拜奠于前
北面拜長皆荅各于其位復初位就自卒位皆奠觶奠各
直其長之右長皆執以興示之受所弟子奠位奠其所將
以旅皆揖弟子示不卽卒皆復其位就薦今文曰舉觶者
奠于薦右

爵皆無筭 皆者再舉再旅仍賓主交錯

利洗散獻于尸醕及祝如初儀降實散于篚 利佐食吉祭
所稱助祭使主人得福故名酒器實五升曰散洗散爲禮
畢獻尸要無筭爵之成所謂利成虞佐食不獻以喪略少
牢利不獻以將儉尸略不儉利獻洗爵純吉隆于文也醕
代尸自醕及祝祝爲尸介獻當及起無洗致

主人出立于戶外西面祝東面告利成 主人出事尸畢戶
外西面近室爲位虞不言出位在堂也少牢出立阼階上
純吉全乎主也祝東面告變虞西面要以對主人爲告位
也。

尸設祝前主人降 尸設起祝入祝前送如迎虞時將節主
人踊今唯道之主人降不言位立阼階東西面如尸入時
位可知然則出戶何以不立阼階上吉有漸也虞時主人
不降辟主位也少牢降位同正吉位也。

祝反及主人入復位命佐食徹尸俎俎出于廟門徹庶羞設
于西序下 祝反尸出門及主人入主人從復位祝在左命
佐食祝命尸俎所俎出廟門有司受歸之徹庶羞尸之餘。

先設所無再設不用。養亦不及設。西序下沿虞前外設。筵對席佐食分簋。鉶宗人遣舉奠及長兄弟盥立于西階下。東面北上祝命嘗食。養者舉奠許諾升入東面。長兄弟對之。皆坐佐食授舉各一膚。主人西面再拜祝曰。養有以也。兩養奠舉于俎。許諾皆荅拜。若是者三。皆取舉祭食祭舉乃食。祭鉶食舉卒食。筵對席爲兩養。養猶生人餽也。簋卽敦分簋鉶各當席右佐食分比贊尸食。遣鹽命之養舉奠嗣也。稱舉奠起與養所因。及長兄弟命舉奠爲上養立西階下東面北上。變位待命。命嘗食筵之。稱養者舉奠爲偏目不明許諾。禮由上養東面當尸位對之。西面爲下養。用主黨二人。初吉不設。先親者授稱舉等尸肺脊各一膚。不用正骨。

主人西面鄉舉奠再拜因其代尸致之禮祝稱辭皆親屬
申家訓箴之有以者因饋受養肅將毋隕許諾達主人意
奠舉于俎各順其左若是者三重致警命亦再拜再荅皆
取舉取于奠左執之祭食祭簋祭舉絕之祭鉶在後祭乃
嘗食舉卒食舉者佐食之正敍食以卒一膚無餘奠

主人降洗爵宰贊一爵主人升酌醕上養上養拜受爵主人
荅拜醕下養亦如之主人拜祝曰醕有與也如初儀兩養執
爵拜祭酒卒爵拜主人荅拜兩養皆降實爵于篚上養洗爵
升酌醋主人主人拜受爵上養卽位坐荅拜主人坐祭卒爵
拜上養荅拜受爵降實于篚 宰贊一爵洗從主人爲醕下
養主人拜爲有辭祝又稱辭因養不暇與猶許許其成養

無違禮釋醕意兩養皆降上養當醕下養從實爵于篚下
養待于西階下位洗爵易爵不僭口主人拜受爵西面于
位上養卽位坐荅既投右還標繼尸爲養主卒爵拜祭卽
卒遂拜知嗣不得嘏父受爵降既降下養從實于篚皆復
初位。

主人出立于戶外西面祝命徹胙俎豆邊設于東序下祝執
其俎以出東面于戶西宗婦徹祝豆籩入于房徹主婦薦俎
主人出養事成立戶外西面待徹祝命命執事胙俎豆
邊徹敘設東序下配庶羞爲文待堂下俎出乃徹入祝執
其俎道執事以次皆陪設當先徹東面戶西待告利成宗
婦徹祝豆邊徹徹爲贊設之漸入房不當更爲外設位祝

薦入房故主婦薦俎卽徹主婦薦俎徹房中薦俎皆徹
佐食徹尸薦俎敦設于西北隅几在南扉用筵納一尊佐食
闔牖戶降徹設祝不與佐食職神饌變于虞不以有司官
簡于少年稱尸薦俎敦尸所留標非養餘非用筵變虞用
席納一尊留玄酒因未酌淡素生陽斲合冥漠虞不納尊
未忍待以純神

祝告利成降出主人降卽位宗人告事畢賓出主人送于門
外再拜又告利成事養與改設俱畢改設又佐食終事也
宗人告事畢沿虞法再拜送以始吉變虞稽顙

佐食徹阼俎堂下俎畢出徹阼俎由東序下徹以東堂下
俎賓黨主黨及執事俎異出自執之以徹阼俎爲飭

記特牲饋食其服皆朝服玄冠緇帶緇韠唯尸祝佐食玄
端玄裳黃裳襍裳可也皆爵韠 題服變喪服朝服玄帛
衣白布裳玄冠服兼皮弁色韠同帶緇則黑屨始吉不從
裳唯標其異尸方變卒者上服故玄端祝佐食從服目三
裳謂尸玄裳祝黃裳佐食襍裳可者玄端本通服三裳皆
爵韠不隨裳變起緇帶自同

設洗南北以堂深東西當東榮水在洗東篚在洗西南順
實二爵二觚四解一角一散 標洗與水與篚位因變虞
西階西南位從吉位稱順起篚有衡肆法爵觚觶角散五
器之差遞加一升二爵尸止時主人當還致主婦二觚備
加爵四解酌奠一奠酬于賓一眾賓長加爵尸止一兄弟

弟子舉奠于長一。後酬代用也。一角主人酹尸。當初獻一散。無筭爵後。利洗獻尸。要終獻。

壺於禁饌于東序南順。覆兩壺焉。蓋在南。明日卒奠。幕用綌卽位而徹之。加勺。壺尊於禁兼饌。玄酒用於酒用禁。經唯曰禁賅於。變虞無禁。亦別于少牢兩甌同於。經稱在西序。言東者爲順。視濯乃西。旦又將改設。戶東也。南順爲舉次。覆兩壺未實。宜辟塵。蓋在南。壺在北。奠謂祝酌錯鉶南之奠。卒奠而幕。先未幕卽位。謂尸入卽坐時徹之。宜酌虞幕用綌亦當臨事徹之。少牢兩甌皆幕。主人迎鼎先入。司宮乃啟。

邊巾以綌也。纁裏棗烝栗擇。邊巾複文于虞。

鉶茅用苦若薇皆有滑夏葵冬菹 鉶茅鉶所茅同虞茅
言若視地宜滑亦如虞春秋博取唯類

棘心匕刻 棘苦心木喪中以為匕取識父母鞠育苦心
漸吉故刻

牲爨在廟門外東南魚腊爨在其南皆西面饔爨在西壁
在廟門外東南從吉變虞門右在其南北上皆西面變
虞東面稱饔爨仍虞名經言西堂稱西壁近西壁標東突
听俎心舌皆去本末午割之實于牲鼎載心立舌縮俎
听俎本為盛祭先實心舌不嫌虛設皆去本末同制少牢
心安下切上舌切本末文詳爾詎則同午割交勢之不沒
實牲鼎起取之正牲心立末在下舌縮俎末在上與心異

載少年載心亦立末在上舌橫之相變也。

賓與長兄弟之薦自東房其餘在東堂 自東房饌東房尊賓與長兄弟因當先設之堂其餘謂設于位者在東堂先不饌于上。

沃口盥者一人奉槃者東面執匱者西面淳沃執巾者在匱北宗人東面取巾振之三南面授尸卒執巾者受沃。沃。沃口盥者主灑水奉槃東面執匱西面皆變虔位執巾在匱北西取宜宗人東面在槃北振之三表潔因爲文南面宜授卒尸畢拒執巾者受受以簞易人盛其儀一宗人沿虞制今文淳作激

尸入主人及賓皆辟位出亦如之 辟位少退表敬爲主

人不迎送見儀賓從主人

嗣舉食佐食設豆鹽 鹽爲肝設嗣當擣食設豆用俎嫌從

佐食當事則戶外南面無事則中庭北面凡祝呼佐食許諾 當事謂正祭時戶外南面近室無事三獻復位後中庭北面初入位呼命之許諾卽入釋經不見許諾文

宗人獻與旅齒于眾賓佐食于旅齒于兄弟 宗人綜司禮事尊故與眾賓齒佐食賤故與兄弟齒特言旅獻佐食在室中

尊兩壺于房中西墻下南上內賓立于其北東面南上宗婦北堂東面北上 房中西房中以非純吉未正位東房

尊爲內賓宗婦族東房無西墻稱西墻下標西房南上鄉
外東面南上賓黨外爲上東面北上主黨內爲上族婦統
于宗婦

主婦及內賓宗婦亦族西面亦者亦眾賓眾兄弟由主
婦及以先酬發旅盥西面起受獻異面

宗婦贊薦者執以坐于戶外授主婦贊薦謂主婦亞獻
及致爵主人時由東房執鄉室仍主婦始薦兩豆儀坐戶
外坐授標不與禮主婦立受

尸卒食而祭饔饔雍爨卒食九飯後祭釋奠通大名曰
祭祭饔饔雍爨報其勞神之主人受嘏時宗人祭雍爨宗
婦祭饔饔爨以始葬不備禮無祭少牢廩爨從雍爨在門

外婦贊者不當與門外禮亦無祭

賓從尸俎出廟門乃反位尸俎出時主人在室待徹簋
事故賓從出尸俎神所歆俎出亦猶神去然故代送也反
位事未畢不以長兄弟代送因賓曾備三獻

尸俎右肩臂臠肫肱正脊二骨橫脊長脅二骨短脅膚三
離肺一剗肺三魚十有五腊如牲骨尸俎卽神俎綜爲
三俎目右右體正脊中脊二骨離爲二取宜祭橫脊脊末
不言骨數一骨長脅脊末長其制短脅脊本短其制凡九
名十一數雖加于虞一骨見簡少牢亦十一數竝骨爲豐
膚三兩脊各舉一一留設西北隅離肺尸祭肺剗切剗肺
三俎實骨體亦然凡祭舉之餘通爲俎實其載肩臂臠肫

胙在兩端脊脅肺肩在上並實一俎進下十五月生數魚陰類蓋從吉進腴變虞進髣脂如牲骨標猶不進純今文刊爲切。

祝俎髀脰脊二骨脅二骨膚一離肺一脰猶壯謂脊側唯脊脅降尸七名而二骨猶盛于虞易脰爲膚則膚不必脰亦變于虞。

阼俎臂正脊二骨橫脊長脅二骨短脅膚一離肺一主人席于室稱阼以漸吉得專阼阼有俎盛于虞脊脅骨數同尸俎而降五名。

主婦俎鬴折其餘如阼俎主婦有俎盛于虞鬴脰鬴折取脰骨節折下于臂降主人餘如阼俎謂脊脅膚肺古文

殷爲穀。

佐食俎。殷折脊脅膚一。離肺一。佐食以下皆有俎。標盛于虞。脊脅皆一骨。降于主婦。

賓骼長。兄弟及宗人折其餘。如佐食俎。賓賓長。骼雖下。猶名骨。尊賓長以與獻。長兄弟以長殊。及宗人宗人獻旅。齒眾賓。又以司事殊折。亦折骼其餘。謂脊脅膚離肺。凡舉骨皆以主俎其餘陪焉。

眾賓及眾兄弟內賓宗婦若有公有司私臣皆肴脅膚一。離肺一。舉眾賓以及爲同俎。不殊眾賓長已殊賓公有司。君使佐祭者私臣府史胥徒及隸子弟肴。襍切肴可升者皆肴。不拘體。尤降。

公有司門西北面東上獻次衆賓私臣門東北面西上獻
次兄弟升受降飲門西以公賓之北面東上不屬賓獻
次衆賓以在門西位虞不言公有司以無獻少牢亦無文
位與獻當同也門東北面西上與公有司相對異列虞不
言私臣亦以無獻有司徹其位繼兄弟之南亦北上直屬
主黨主人尊伸也獻次兄弟以在門東位升受當先拜于
下降飲降阼階西立飲不殊長以初吉不備儀薦爵則皆
設于其位。

弟子壽守中校勘

壽櫟廬第二子吳銑再校

儀禮彙編卷十五終

儀禮疏固卷十六

壽櫟廬叢書之一

名山吳之英典

少牢饋食禮第十六篇 牢。瓘以久芻名。羊豕曰少。加牛曰大。凡祭宗廟。天子以犧牛。諸侯以肥牛。大夫以索牛。士以羊豕。少牢。士純吉之盛祭。大戴第八。小戴十一。劉錄鄭曰。皆十六篇。

少牢饋食之禮。日用丁巳。筮旬有一日。少牢。純吉。據盛祭。凡祀事。有朝事。象生時致腥。牢。有饋食。象生時致饔。鼎。士無朝事。通名饋食。日。諏日。先近日。豫告史丁。實象人心。巳。己。象人腹。用丁巳。達心腹。舉丁巳。例五丁。筮日。爲得吉。當齊十日。爲旬。幹日。徧以孟月下旬。丁。筮仲月上旬。丁。故旬。

有一日。

筮于廟門之外主人朝服西面于門東史朝服左執筮右抽上韝兼與筮執之東面受命于主人主人曰孝孫某來日丁亥用薦歲事于皇祖伯某以某妃配某氏尙饗史曰諾西面于門西抽下韝左執筮右兼執韝以擲筮遂述命曰假爾大筮有常孝孫某來日丁亥用薦歲事于皇祖伯某以某妃配某氏尙饗乃釋韝立筮卦者在左坐卦以木卒筮乃書卦于木示主人乃退占吉則史韝筮史兼執筮與卦以告于主人占曰從乃官戒宗人命滌宰命爲酒乃退若不吉則及遠日又筮日如初 廟門外祖廟門外朝服變特牲冠而主人親命純吉稱孝孫告嗣父亥該丁巳三旬得丁亥遠舉季

旬丁則中筮丁卯丁丑從不更筮稱皇祖既祔據祖例禘
伯某舉兩字不復稱某甫某嫡若繼妃媿配合謂合食稱
配純吉某皇祖妣字氏姓之支婦人以字冠氏稱氏別同
姓西面左還擗下賴全見筮擊筮警筮神亦三述命傳主
人辭告筮假嘉稱大尊之有常吉凶有定徵釋賴將筮立
筮敬事坐別于筮以木以長木爲六奇短木爲六偶每爻
成取識之卒筮體備書木宜執示占旅占吉則賴不吉具
徹官職官戒肅贊事據筮時在位者命滌爲主人不復視
濯雍人廩人司宮事故宗人命爲酒酒正事故宰命滌酒
舉例辭乃退宗人告事畢遠日後丁又筮日如初得吉乃
止

宿前宿一日宿戒尸 宿謂宿尸豫爲日因宿戒當準宿日
既官戒則不宿資前宿一日尸當齋宿戒不止一人宿竝
言戒尙未知孰當筮主人尊得伸故與家臣同辭

明日朝筮尸如筮日之儀命曰孝孫某來日丁亥用薦歲事
于皇祖伯某以某妃配某氏以某之某爲尸尙饗筮卦占如
初 明日宿戒尸之日筮尸筮一尸凡婦人死亦虞而立尸
吉祭合神右几不竝事兩尸某尸父名祭祀不爲尸爲瀆
尊也然則父不在位可也孤子可也某尸名

吉則乃遂宿尸祝擯主人再拜稽首祝告曰孝孫某來日丁
亥用薦歲事于皇祖伯某以某妃配某氏敢宿尸拜許諾主
人又再拜稽首主人退尸送揖不拜 則乃遂不異日宿尸

起宿戒不親視擯直神尸不復用宗人不從子姓兄弟至門東面皆以純吉變特牲尸不答拜將聽告辭卒不稱筮子爲某尸卽稱敢宿因先宿戒變特牲不宿戒辭不稱適已配拜而后許諾不得稱荅稱又標俠拜尸皆不荅純吉尤尊主人退先卻辟尸不入而送變特牲揖不拜受宿成尊所以達主人意不宿賓已官戒

若不吉則遂改筮尸則遂不異日改筮尸更取宿戒中一人如初儀

既宿尸反爲期于廟門之外主人門東南面宗人朝服北面曰請祭期主人曰比于子宗人曰且明行事主人曰諾乃退爲期示執事與祭賓得先聞之廟門外直所祭門東南

面私朝位事爲主人所得專宗人朝服起主人如筮日服北面臣位比于子襄事者同事皆宜勤不必顯促之旦明蚤爲敬。

明日主人朝服卽位于廟門之外東方南面宰宗人西面上牲北首東上司馬刲羊司士擊豕宗人告備乃退目朝服嫌正祭異服當期視殺味尙鮮牲北首縛之西其足東上豕在西變特牲位司馬司士因職假名刲刺擊殺也此時告備因先未省牲乃退不視滌陳宗人亦不告濯具蓋有司專治則不言事行純吉自優故變特牲。

雍人概鼎匕俎于雍爨雍爨在門東南北上廩人概甗廩匕與敦于廩爨廩爨在雍爨之北雍人例天官外饗掌割烹

概手滌之鼎七俎。概各從其爨。北上羊爨。北豕膚魚腊。亞廩人。儼天官膳夫屬。甌大甌。甌小甌。廩爨熟米。特牲謂之饔。爨在雍爨北。近內。變特牲西堂下。爲主婦不視。古文甌爲烝。

司宮概豆。遵勺爵。觚觶几洗。筐于東堂下。勺爵。觚觶實于筐。卒概饌豆。遵與筐于房中。放于西方。設洗于阼階東南。當東榮。放依也。几不言位。亦于房。從筵不饌。鉶不以供。陰厭變特牲。

羹定。雍人陳鼎五。三鼎在羊鑊之西。二鼎在豕鑊之西。鑊釜屬。似鼎無足。爨所炊也。三鼎在羊鑊西。魚腊從羊。二鼎在豕鑊西。膚從豕。爨唯羊豕魚腊。膚無爨。爨四而鼎五。故

分陳坵正牲

司馬升羊右胖髀不升肩膊臠膊脰正脊一脰脊一橫脊一短脅一正脅一代脅一皆二骨以并腸三胃三舉肺一祭肺三實于一鼎 司馬升羊羊人屬夏官升右胖吉事尙右髀不升以賤猶不升首以不宜制去首尾取中正養道也正脅脅中代脅季脅近腹可代并合腸大腸胃水穀府實由鑊升實一鼎羊爲正鼎

司士升豕右胖髀不升肩膊臠膊脰正脊一脰脊一橫脊一短脅一正脅一代脅一皆二骨以并舉肺一祭肺三實于一鼎 司士亦夏官屬升豕副牲從正牲各升所殺各爲制也無腸胃下牲不取賤腑實于一鼎次羊鼎

雍人倫膚九實于一鼎。膚取于豕，尙肥臄，倫理也。理制之。欲革順九，三三數實于一鼎，次豕鼎。

司士又升魚腊魚十有五而鼎，腊一純而鼎，腊用麋。又升兼升，各由其鑊純完一純，具體爲盛，用麋純吉得豫物。

卒禘皆設局鼎，乃舉陳鼎于廟門之外，東方北面上。禘實也，乃舉既禘將更陳，再言廟門外，標與舉入別。東方鑊西北不屬鑊，北面上。舉入者，易別識變特牲如初位。司宮尊兩甒于房戶之間，同枅皆有冪，甒有玄酒。房戶間，吉尊位，變特牲戶東位，同枅枅大于禁，玄酒在西，甒器大先實，沒概文。古文冪作鼎。

司宮設冪水于洗東，有枓設篚于洗西南肆。再目司宮嫌。

異人料取水器洗先設罍篚據爲位。

改饌豆籩于房中南面如饋之設實豆籩之實。改饌變特牲實陳如初。不目司宮固司宮所先饌南面改其放西方之東面饋謂室中位如其設爲執入者喻其位實實起先饌未實。

小祝設槃匱與簞巾于西階東。小祝擬春官大祝副設槃匱簞巾爲月盥。小祝掌沃月盥故主設于西階東變特牲門內右位。

主人朝服卽位于阼階東西面。目朝服嫌易服阼階東西面不先爲門外位變特牲。

司宮筵于奧祝設几于筵上右之。司宮典祭器故筵祝監。

筵位故几主人卽位而后筵几神依于人變特牲純吉之正敘

主人出迎鼎除鼎士盥舉鼎主人先入主人不盥出迎而不舉變特牲除鼎爲迎儀先入道之位

司宮取二勺于筐洗之兼執以升乃啟二尊之蓋霽奠于枋上加二勺于二尊覆之南枋兼執拱持奠枋上先蓋後霽玄酒有勺備儀事在迎鼎鼎入間故中見之今文啟爲開古文枋爲柄

鼎序入雍正執一匕以從雍府執四匕以從司士合執二俎以從司士贊者二人皆合執二俎以相從入陳鼎于東方當序南于洗西皆西面北上膚爲下匕皆加于鼎東枋俎皆設

于鼎西西肆所俎在羊俎之北亦西肆 雍正雍人長一匕
匕羊特執師執事重首牲從從羊鼎雍府雍正屬四匕七
豕魚腊膚兼執不殊副役任勞從從豕鼎二俎所俎羊俎
司士合執令兩贊與俎數相值從從魚鼎皆合執二俎長
贊執豕俎魚俎次贊執腊俎膚俎從長贊從腊鼎次贊從
膚鼎序南洗西起主人先入位于此皆西面北上與外陳
異面不異次變特牲當阼階位膚爲下豕分體匕加鼎標
陳儀東枋右人枌俎皆設鼎西爲執從者不必當鼎西肆
西縮宜載所俎在羊俎北心舌皆在羊鼎載先心舌
宗人遣賓就主人皆盥于洗長枌佐食上利升牢心舌載于
所俎心皆安下切上午割勿沒其載于所俎末在上舌皆切

本末亦午割勿沒其載于听橫之皆如初爲之于爨也佐食
遷听俎于阼階西西縮乃反 遣猶命遣賓代主人事吉祭
贊多舉杞異人就主人主人位當洗北西面皆皆賓長杞
長在鼎東佐食犬名上利上佐食升在鼎西主載牢合目
羊豕牢心舌起豕心舌升坵羊鼎先載心舌重听俎言皆
標豕心同羊心制安正下本也正制下載下乃平上末也
銳切上令中出午割割如午文勿沒少聯言其載听俎起
制法乃爨法末在上令下安言皆標豕舌同羊舌制切本
末異心制橫之異心載爲猶治皆如初爲于爨標載無制
法佐食載者遷听俎既載不依鼎于阼階西主人將自羞
西縮仍設之肆乃反將載羊

佐食二人上利升羊載右脾脾不升肩臂臑膊胙正脊一脰
脊一橫脊一短脊一正脊一代脊一皆二骨以竝腸三胃三
長皆及俎拒舉肺一長終肺祭肺三皆切肩臂臑膊胙在兩
肱脊脊肺肩在上 二人兼升豕爲目上利升羊載昕遷俎
反復目體證如爨爲拒俎足上橫及俎拒拒有度長終肺
具肺體皆切標三祭不終肩臂臑膊胙由中數鄉外之次
兩肱俎縮端上俎中脊脊肺肩貴上之宜祭舉復數肩在
上相屬標載法由外鄉內今文切爲刊

下利升豕其載如羊無腸胃體其載于俎皆進下 無腸胃
體略下牲下末謂俎尾進下爲純吉凡進祗者覆其皮喪
設進祗進下者仰其骨吉祭進下言皆姦羊俎凡進神順

神進人據席所上。

司士三人升魚腊膚魚用鮓十有五而俎縮載右首進腍腊一純而俎亦進下肩在上膚九而俎亦橫載革順卒爵 三人各升一俎用鮓水無不育變虞兼可取鮓縮載積之右首比牲升右腍腹膏潤處變喪設左首進鬻亦進下進法從牲變生人進腍橫俎肩在上載法從牲亦橫載據俎稱橫起羊豕腊皆橫革順載橫而理縮因制倫起膚進祗以餘體別正俎卒爵爵至膚卒。

祝盥于洗升自西階主人盥升自阼階祝先入南面主人從戶內西面 祝盥爲入奠升卽洗爵升主人盥將入祭變特牲出舉先盥起迎鼎祝載未盥祝先入主神事南面宜盥

設

主婦被錫衣侈袂薦自東房韭菹醢醢坐奠于筵前主婦贊者一人亦被錫衣侈袂執葵菹羸醢以授主婦主婦不興遂受陪設于東韭菹在南葵菹在北主婦興入于房稱被姪笄纁錫易錫衣重緣衣變特牲宵衣侈大修袂祛屬幅薦自東房位在東房主婦職中饋自薦爲饋始坐奠謹事亦被錫衣侈袂從主婦服授入授主婦不興贊者俯授主婦尊伸變特牲自反陪倍稱陪以先設爲正韭菹在南醢醢在北葵菹在北羸醢在南標北屈南陳今文錫作紉羸作蝸

佐食上利執羊俎下利執豕俎司士三人執魚腊膚俎序升

自西階相從入設俎羊在豆東豕亞其北魚在羊東腊在豕東特膚當俎北端五俎皆主載者主執既載沒設位教以待相從序入羊在豆東在巖醢東豕亞其北西當葵蕕魚在羊東腊在豕東南上北陳不與牢結俎北端當羊腊間主婦自東房執一金敦黍有蓋坐設于羊俎之南婦贊者執敦稷以授主婦主婦興受坐設于魚俎南又興受贊者敦黍坐設于稷南又興受贊者敦稷坐設于黍南敦皆南首主婦興入于房金敦金飾特執尊首敦爲尸將食會謂之蓋言有題首敦見法興受重穀食亦爲既設俎贊者不更入魚俎南東陳稷南東屈黍南西陳南首北尾凡禮器多象禽獸爲首尾取易識右几故敦首南今文云主婦入于房

祝酌奠遂命佐食啟會佐食啟會蓋二以重設于敦南主人
西面祝在左主人再拜稽首祝祝曰孝孫某敢用柔毛剛鬣
嘉薦普淖用薦歲事于皇祖伯某以某妃配某氏尙饗主人
又再拜稽首 酌奠出酌入奠豆南啟會蓋標執蓋不執足
二以重爲列各當兩敦羊曰柔毛嘉薦普淖合目豆敦陪
俎。

祝出迎尸于廟門之外主人降立于阼階東西面祝先入門
右尸入門左宗人奉槃東面于庭南一宗人奉匱水西面于
槃東一宗人奉簞巾南面于槃北乃沃尸盥于槃上卒盥坐
奠簞取巾興振之三以授尸坐取簞興以受尸巾 祝入門
右辟尸盥位尸入門左盥在左尸有主道故宗人佐盥奉

槃東面在尸左庭南降于西階南度盥位吉祭優尸奉槃
承水奉匱者漸沃之西面尸右南面宜投受于槃北不正
當尸奉時當盥故卒盥而奠取親投而簞受振巾有儀受
巾有儀皆詳于特牲

祝延尸尸升自西階入祝從主人升自阼階祝先入主人從
尸升筵祝主人西面立于戶內祝在左祝主人皆拜妥尸尸
不言尸荅拜遂坐祝反南面祝延尸尸卒盥祝先升既延
則左讓尸祝從據尸爲從先入據主人爲先祝在左代主
人事尸從其位祝興主人皆拜妥尸祝接尸宜有禮變特
牲主人特拜尸不言擬于神遂坐尸不執奠祝不稱饗主
人不復拜皆以純吉變特牲南面侍尸因前盥入位不命

授祭故反

尸取韭菹孺于三豆祭于豆間上佐食取黍稷于四敦下佐食取牢一切肺于俎以授上佐食上佐食兼與黍以授尸尸受同祭于豆祭尸不先執奠不干神奠祝不命授祭尸習知佐食習知取韭菹取首豆孺三豆見均及取黍稷于四敦以敦次一切肺祭肺稱牢兼豕肺以授上佐食事專于長兼與黍目黍賁稷豆祭韭菹所孺同祭豆祭不異位不設大羹滹非尸所甘變特牲今文辯爲編

上佐食舉尸牢肺正脊以授尸上佐食爾上敦黍于筵上右之主人羞昕俎升自阼階置于膚北上佐食羞兩鉶取一羊鉶于房中坐設于韭菹之南下佐食又取一豕鉶于房中以

從上佐食受坐設于羊鉶之南皆芼皆有柶尸扱以柶祭羊
鉶遂以祭豕鉶嘗羊鉶食舉三飯上佐食舉尸牢幹尸受振
祭臠之佐食受加于昕牢肺皆舉肺牢肺正脊稱尸別于
神饌特牲不更爲尸制不稱尸上敦金敦特爾黍欲尸專
食貴穀右之順尸昕俎升阼階主人所親羞卽羞備設變
特牲尸食舉乃羞置膚北將令西齊羞豆爲不祭不臠遠
之羞兩鉶豫爲目稱遂因祭羊鉶及豕故但嘗羊鉶不告
旨全乎尊變特牲特牲鉶饌東房主婦于陰厭已設今牢
鉶在外養故佐食取于房成設尸固以鉶成祭也三飯飯
黍不告飽變特牲古文幹爲肝

上佐食羞臠兩瓦豆有醢亦用瓦豆設于薦豆之北尸又食

食載上佐食舉尸一魚尸受振祭齊之佐食受加于所橫之
兩載豆較特牲庶羞四豆爲減因少牢兩牲已羸鉶各
異牲故皆瓦豆燥物濡物俱宜設薦豆北首載醢醢北次
載左一醢在葵菹北一醢次而北又食又一飯魚稱尸例
牢舉一取備俎實橫之變在俎縮因別所加牲體

又食上佐食舉尸腊肩尸受振祭齊之上佐食受加于所
腊肩稱尸同魚例唯一舉故取肩與舉一魚意同比舉牢
體之終肩也

又食上佐食舉尸牢醑如初 初謂舉尸牢幹時

又食尸告飽祝西面于主人之南獨侑不拜侑曰皇尸未實
侑 又食告飽已七飯自節而告不限于三變特牲西面主

人南爲侑復位特稱辭故曰獨不拜代主非主祝獨侑尸
益神變特牲祝侑主人拜之合侑未實未充卒稱侑釋所
致辭旣反南面

尸又食上佐食舉尸牢肩尸受振祭臍之佐食受加于所尸
不飯告飽又食爲祝一飯答侑意舉尸牢肩前體始載在
中舉至肩體成則禮終不飯告飽已八飯申前告

祝西面于主人之南主人不言拜侑尸又三飯上佐食受尸
牢肺正脊加于所西面主人南以復東位喻主人侑節主
人固不言目之者起祝亦不稱辭皆爲神尸拜侑以拜爲
侑分特牲合侑而錯侑表文又三飯爲主人侑加別于祝
侑凡十一飯不告飽猶初食三飯然上佐食不盛所俎未

舉者皆釋以將儗尸加昕言受起尸執舉卒食變特性實于菹豆純吉益肅

主人降洗爵升北面酌酒乃醢尸尸拜受主人拜送尸祭酒啐酒賓長羞牢肝用俎縮執俎肝亦縮進末鹽在右尸左執爵右兼取肝孺于俎鹽振祭齊之加于菹豆卒爵主人拜祝受尸爵尸荅拜洗爵變特性洗角用俎嫌牢肝可豆鹽在右肝在左順尸取孺兼取肝由羊併豕加菹豆不反視受俎實祝不相爵變特性古文醢作酌縮作蹙

祝酌授尸尸醢主人主人拜受爵尸荅拜主人西面奠爵又拜上佐食取四敦黍稷下佐食取牢一切肺以授上佐食上佐食以綏祭主人左執爵右受佐食坐祭之又祭酒不興遂

啐酒 尸荅拜成其尊變特牲稱拜送又拜反位俠拜變特牲退不拜綏卽接同聲假字以綏祭敘授主人右受佐食受綏祭不興遂啐酒旣啐乃興將執以聽嘏古文綏作𠄎祝與二佐食皆出盥于洗入二佐食各取黍于一敦上佐食兼受搏之以授尸尸執以命祝卒命祝祝受以東北面于尸西以嘏于主人曰皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引之主人坐奠爵興再拜稽首興受黍坐振祭嘏之詩懷之實于左袂挂于季指執爵以興坐卒爵執爵以興坐奠爵拜尸荅拜執爵以興出宰夫以遷受爵黍主人嘗之納諸內 皆出盥爲執黍致潔各取黍于一敦上佐食取金敦下佐食取三敦

掇合曰搏投尸尸將執命祝變特牲轉授主人不進聽非尸親嘏命祝告嘏辭卒命不舉饌祝將述命東北面于尸西鄉主人亦不背尸稱辭詳于特牲皇君尊口詞執業受役曰工承奉承神意致主人二語祝發命耑來賚祿祚受祿于天天致之福祿猶種宜稼于田地致之福眉目上毛眉長徵壽萬年身享多福替廢引延勿替引之天地人交嘏無偏廢而又延及子孫所謂無疆此傳尸命辭坐奠爵興而后拜變特牲左執角拜振祭嗜之加文于特牲執爵興出當酌獻祝宰夫以饗受祝爲傳嘏不更受故變特牲嘗之甘之若識其有異味然納宰夫納內房中古文嘏爲格祿爲福眉爲徵替爲袂挂爲卦

主人獻祝設席南面祝拜于席上坐受主人西面荅拜薦兩
豆菹醢佐食設俎牢髀橫脊一短脅一腸一胃一膚三魚一
橫之腊兩髀屬于尻祝取菹搗于醢祭于豆間祝祭俎祭酒
啐酒肝牢從祝取肝搗于醢振祭噉之不興加于俎卒爵興
設席直尸席東北南面因祝北位坐受因拜不興不敢
立受嫌敵主人荅拜變特牲稱拜送主人尊得伸薦執事
薦菹韭菹醢醢醢橫之以一不當縮兩髀下體全尻腓屬
尻盡賤體祭俎合目正體陪體卒爵興興授爵不拜變特
牲。

主人酌獻上佐食上佐食尸內牖東北面拜坐受爵主人西
面荅拜佐食祭酒卒爵拜坐授爵興俎設于兩階之間其俎

折一膚 主人荅拜因殺于祝變特牲稱拜送不啐酒以無
從降祝坐授爵降祝亦變特牲興出就外位俎設兩階間
起初陳位薦從俎以獻在室南不宜有席故折不目骨膚
取豕膚

主人又獻下佐食亦如之其爵亦設于階間西上亦折一膚
西上上佐食俎西亦折一膚不殊長俎

有司贊者取爵于篚以升授主婦贊者于房戶婦贊者受以
授主婦主婦洗于房中出酌入戶西面拜獻戶戶拜受主婦
主人之北西面拜送爵戶祭酒卒爵主婦拜祝受戶爵戶荅
拜 取爵于篚主婦得與主人同外篚變特牲洗爵于房有
司贊者授主婦贊者轉授遠別也禮不下庶人故外內贊

許授受于房戶。主婦贊者不降堂。入戶西面。在主人南。變
特牲北面。拜而后獻。亦變特牲。目主人北。別獻位。辟祝位。
拜送。屬獻拜爲俠。變特特一拜送。不設遵。無從以將儉簡。
尸不拜。卒爵。主婦先拜。同特牲。變其命送。祝受爵。當降。易。
易爵洗酌。授尸。主婦拜受爵。尸荅拜。上佐食。綏祭。主婦西面。
于主人之北。受祭祭之。其綏祭如主人之禮。不嘏。卒爵。拜尸。
荅拜。易爵洗。變特牲。醋如主人。不易爵。酌授尸。爲酢。上佐食。
綏祭。下佐食。不贊。簡于主人。于主人北。受祭。不適房。變特
牲。尊得伸。祭之。綏如主人。則加文。變特牲之撫。題不嘏。嫌。
純吉。容有嘏。

主婦以爵出。贊者受。易爵于篚。以授主婦于房中。主婦洗酌。

儀禮通考卷一百一十二
三
獻祝祝拜坐受爵主婦荅拜于主人之北卒爵不興坐授主
婦贊者受主婦入房授婦贊者轉授有司贊者易爵于篚
易于庭篚變特性因獻尸爵授主婦房中婦贊者授祝先
拜主婦不挾拜降于尸坐授別于受主人獻令文云祝拜
受。

主婦受酌獻上佐食于尸內佐食北面拜坐受爵主婦西面
荅拜祭酒卒爵坐授主婦主婦獻下佐食亦如之主婦受爵
以入于房酌不易爵本不當易起祝爲主婦受酢易北面
拜尸內牖東西面荅拜主人北稱荅同之祝因主人伸尊
受授皆坐不得異于祝受爵入房不煩轉授降奠。

賓長洗爵獻于尸尸拜受爵賓尸西北面拜送爵尸祭酒卒

爵賓拜祝受尸爵尸荅拜祝酌投尸賓拜受爵尸拜送爵賓
坐奠爵遂拜執爵以興坐祭遂飲卒爵執爵以興坐奠爵拜
尸荅拜 尸西北面因佐食虛位無燭從以將儐變特牲祝
酌投尸爲醕賓沿受亞獻儀遂拜無綏祭得備儀坐祭祭
酒遂飲不啐又奠爵拜屬遂拜爲俠加敬于特牲

賓酌獻祝祝拜坐受爵賓北面荅拜祝祭酒啐酒奠爵于其
筵前 北面荅拜賓無異位啐而奠祝意事尸及己賓禮已
隆不欲待其獻及佐食故止爵

主人出立于阼階上西面祝出立于西階上東面祝告曰利
成 主人出立主階祝出就賓階變特牲戶外位爲純吉告
利成無獻事將儐尸

祝入口。謾主人降立于阼階東。西面祝先尸。從遂出于廟門。
主人降立阼階東。西面俟尸出。起。特牲徒言降立位同。
遂出。先從不變。

祝反復位于室中。主人亦入于室復位。祝命佐食徹。听俎降。
設于堂下。阼階南。不命徹尸俎。將儻尸。不命徹庶羞。養者
將仍尸羞。故皆變特牲。听俎尸專俎。養者不當及。故命徹。
降自西階。設堂下。阼階南。本由阼階升。儻後畢歸之。

司宮設對席。乃四人。養上佐食盥升下佐食對之。賓長二人。
備司士進一敦黍于上佐食。又進一敦黍于下佐食。皆右之。
于席上。資黍于羊俎兩端。兩下是餽。司士乃辯舉養者皆祭。
黍祭舉主人西面三拜。養者養者奠舉于俎。皆荅拜。皆反取。

舉司士進一鉶于上簋又進一鉶于次簋又進二豆渚于兩下乃皆食食舉卒食 嗣不與純吉對席東席四人簋饌盛上佐食盥升以爲上簋自飭供饋事者餽爲敬不待命下佐食對之上簋當尸位賓長二人備皆在佐食北尙神位進上佐食金敦進下佐食稷南敦皆右各右其右席上手飯宜猶爾尸敦也資分也分置黍分以會兩端東西端羊俎舉正俎爲標賓西當韭菹南東當魚俎北兩下兩賓皆下簋餽卽簋皆餽黍待之儼尸舉謂膚特牲稱授舉各一膚辨舉先上簋而次而兩下三拜旅之猶特牲之再拜祝不舉饌純吉皆資簋不宜規變特牲奠舉于俎從正俎奠各當其方反復進上簋羊鉶進次簋豕鉶渚亦鉶渚實于

豆稱豆進兩下。豫分豕鉶乃皆食。祝不命嘗食變特牲卒食。各三飯。食舉卒。食儻尸。肺脊法。今文資作齎。

主人洗一爵升酌以授上。養贊者洗三爵酌。主人受于戶內以授次。養若是以辯。皆不拜受。爵主人西面三拜。養者養者奠爵皆荅拜。皆祭酒卒。爵奠爵皆拜。主人荅一拜。養者三人興出。授上。養爲醕。洗三爵酌爲次。養下。養受于戶內。贊者立戶外。敝授皆不拜受。降于戶。變特牲。奠爵皆拜。遂拜。荅一拜。主人尊仲。三人興出以不敢與。嘏先降。祝不稱醕辭。變特牲爲上。養將嘏。

上養止。主人受上。養爵酌以醋于戶內。西面坐。奠爵拜上。養荅拜。坐祭酒。啐酒上。養親嘏曰。主人受祭之福。胡壽保。建家。

室主人興坐奠爵拜執爵以興坐卒爵拜上養荅拜上養興
出主人送乃退 上養止特當尸位將酢既拜執爵興不親
酢上養尊變特牲主人受爵酌酢爲祝不事養啐不卒將
聽嘏稱親嘏降尸以純吉異特牲無黍空嘏掬啐酒爲飾
受祭之福亦兼天祿地產胡者建立保建家室好德致福
亦勿替意主人興起坐聽嘏降于聽尸嘏上養興出從三
養容歸息送不拜禮未成乃退皆退節正祭

壽樂廬

弟子傅守中校勘
第二子吳銑再校

儀禮夷固卷十六終

儀禮喪服卷十七

壽櫟廬叢書之一

名山吳之英典

有司徹弟十七篇 賓尸之事少牢之餘夏曰復胙商曰彤
周曰繹大夫以上祭之明日行之士當祭日送上養出乃
徹大戴弟九小戴十二劉錄鄭目皆十七篇

有司徹掃堂司宮攝酒乃燔尸俎卒燔乃升羊豕魚三鼎無
腊與膚乃設扃鼎陳鼎于門外如初 有司徹徹室饌掃堂
更新之攝治燖熟升羊豕用正牢升魚尙肴全腊同牢體
膚分豕體已設不再燖陳鼎如初不依爨今文攝作聶扃
作鉉古文鼎作密

乃議侑于賓以異姓宗人戒侑侑出俟于廟門之外 議論

侑佑副尸爲禮猶賓有介賓尸不用祝故設侑尸不自擇故議以異姓成尸尊起賓有同姓宗人戒侑告定議宗人與議出俟就次起議在卽位後古文侑作宥

司宮筵于尸西南面又筵于西序東面 尸西南面爲尸筵西序東面爲侑筵

尸與侑北面于廟門之外西上主人出迎尸宗人擯主人拜尸荅拜主人又拜侑侑荅拜主人揖先入門右尸入門左侑從亦左揖乃讓主人先升自阼階尸侑升自西階西楹西北面東上主人東楹東北面拜至尸荅拜主人又拜侑侑荅拜尸北面不自賓侑北面從尸位主人出迎尸賓之宗人擯接以賓拜知爲尸故不目又拜知爲侑故侑荅侑雖位

東少退故揖一揖至階乃讓一讓主人先升西面西楹西略異于賓東上近主人勉當賓變門外西上讓異姓位主人東楹東陪尸成位拜至賓尸又拜侑亦拜至

乃舉司馬舉羊鼎司士舉豕鼎舉魚鼎以入陳鼎如初雍正執一匕以從雍府執二匕以從司士合執二俎以從司士贊者亦合執二俎以從匕皆加于鼎東枋二俎設于羊鼎西西縮二俎皆設于二鼎西亦西縮雍人合執二俎陳于羊俎西竝皆西縮覆二疏匕于其上皆縮俎西枋舉不盥降于正祭舉魚鼎亦司士如初如正祭之陳一匕羊鼎匕從從羊鼎二匕豕鼎魚鼎匕從從魚鼎司士合執二俎爲尸羊俎與羊肉湑俎從從雍府亦合執二俎爲豕俎魚俎從從司

士設羊鼎西司土所執皆設二鼎西司土贊者所執雍人合執二俎一爲羊匕渚一爲豕匕渚陳羊俎西從首俎疏匕通刻者覆上爲識凡陳四俎皆尸正俎二匕渚俎以當滫鼎從陳餘俎奠東方沒之載時固敘載也

主人降受宰几尸侑降主人辭尸對宰授几主人受二手橫執几揖尸主人升尸侑升復位主人西面左手執几縮之以右袂推拂几三二手橫執几進授尸于筵前尸進二手受于手間主人退尸還几縮之右手執外廉北面奠于筵上左之南縮不坐主人東楹東北面拜尸復位尸與侑皆北面荅拜設几因正祭有几正祭爲神先几後舉賓尸爲人先舉後几降受舉時不出宰執待于下侑降從尸辭辭尸二手

橫執宰持耑縮進執其中揖尸執以揖縮之變受法推拂外拂橫變拂法宜坐執執兩耑受于手間皆中手還几右還外廉東廉北面奠承主人意左之據筵位變神几南縮爲不坐不坐據標升筵儀當殺于正祭東楹東起退位拜爲送几皆荅拜敬口則侑與不得以非禮己自殊

主人降洗口侑降尸辭洗主人對卒洗揖主人升尸侑升尸西楹西北面拜洗主人東楹東奠爵荅拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵侑從尸降不敢專位于堂揖而先升意當卽酌不欲煩尸拜洗猶先升拜至也侑升西階上東面獻尸于筵前拜受爵拜于位進受東楹東

拜送主人既授爵反位尸待主人成拜而復。

主婦自東房薦韭菹醢坐奠于筵前菹在西方婦贊者執菹菹醢以授主婦主婦不興受陪設于南昌在東方興取遷于房遷贊坐設于豆西當外列醢在東方婦贊者執白黑以授主婦主婦不興受設于初遷之南白在西方興退醢醢醢菹在酉醢在東昌菹昌本菹醢康麇用朝事首豆次豆不用饋食豆變正祭授主婦筵東不興而受授者立昌在東醢在酉取遷于房更端帥事醢煎麥蕡泉麻子豆酉康麇西外列南列嫌當韭菹豆決之醢在東蕡在西白蒸麥黑黑麻子亦取朝事首遷次遷初遷蕡蕡白在西當蕡則黑東當蕡退入房。

乃升司馬牝羊亦司馬載載右體肩臂肫胙膾正脊一脰脊一橫脊一短脅一正脅一代脅一腸一胃一祭肺一載于一俎升由鼎實俎乃者以設豆籩畢爲節變正祭入陳卽升牝載皆司馬其所封因無佐食變正祭異人載右體因正祭肫卽膊肩胙脊脅正祭已舉又載復制膾正祭三骨退第五者肉湑主膾折體多分也正脊正脅一在肉湑故脰脊橫脊短脅代脅從而一腸胃祭肺皆一從骨降詳牲體起數有制法載于一俎殊首俎

羊肉湑膾折正脊一正脅一腸一胃一舉肺一膾肺一載于南俎羊肉湑助正俎旣載加湑因名膾折無肩臂肫胙用正俎五名而下正脊正脅腸胃各一分正俎舉肺一膾肺

一別于正俎祭肺稱南俎起正俎北今文渚作汙

司士牝豕亦司士載亦右體肩臂肫脇正脊一脰脊一橫脊一短脊一正脊一代脊一膚五臠肺一載于一俎牝載皆司士其所擊臠降第五骨各一皆從羊膚五四養各舉一唯臠肺變正祭舉與祭兼載于一俎殊豕

侑俎羊左肩左肫正脊一脊一腸一胃一切肺一載于一俎俎豕左肩折正脊一脊一膚三切肺一載于一俎俎羊俎稱侑別于尸俎不目羊左肩正祭所不升復有肫盛羊俎擬得尸俎旁五體之二脊取正標所隆脊不別酌可取切肺祭肺載于一俎從尸俎而載則更爲別再言侑俎殊豕之升折左肩降羊體無肫又降正脊一脊一不敢異于

羊膚三儷正祭祝俎。

昨俎羊肺一祭肺一載于一俎羊肉湑臂一脊一脅一腸一胃一膾肺一載于一俎豕鬐臂一脊一脅一膚三膾肺一載于一俎。羊肺羊祭肺祭肺豕肺正俎實兩肺重祭不以骨爲盛有羊肉湑代正俎之實臂右臂取尸俎旁五體之一貴于侑用左唯一體不儷肩肫若降于侑然膾肺一祭肺已在正俎豕亦取臂從肉湑膚三特爲制比于侑。

主婦俎羊左臠脊一脅一腸一胃一膚一膾羊肺一載于一俎。左臠降主人膚一亦減于昨俎豕鬐數膾羊肺一唯一肺用首牲載于一俎因無豕鬐俎一膚附載羊俎。

司士牝魚亦司士載尸俎五魚橫載之侑主人皆一魚亦橫

戴之皆加臠祭于其上卒升 牝載皆司士正祭所專終其
職尸俎五魚備五行生數橫載變正祭縮侑主人皆一魚
備俎標主婦無魚亦橫載從尸俎法饔制曰臠皆加其上
宜祭尸三鼎升至載魚則卒餘俎無筵之設亦敘載不敘題
賓長設羊俎于豆南賓降尸升筵自西方坐左執爵右取
韭菹擣于三豆祭于豆間尸取饔餼宰夫贊者取白黑以授
尸尸受兼祭于豆祭 賓長設無佐食先羊俎主人獻設首
牲二豆南麋鸞醢南實特昌醢間自西方由筵右坐于几西
白黑遠尸坐宰夫贊者取授嗣佐食所職

雍人授次賓疏匕與刃受于鼎西左手執俎左廉縮之卻右
手執匕舛縮于俎上以東面受于羊鼎之西司馬在羊鼎之

東二手執挑匕枋以挹清注于疏匕若是者三疏匕與俎
竝投匕覆加俎鼎西爓陳時位卻手卻匕將受注清二手
兼執挑撓挑匕可用深扱挹取注灑注疏匕防肉滓滑滑
若是三三爲節詳羊匕清實俎法爲豕匕清例在尸祭豆
邊與肺間見之者堂下事相屬也今文挑作抗挹作扱

尸興左執爵右取肺坐祭之祭酒興左執爵次賓縮執匕俎
以升若是以投尸尸卻手受匕枋坐祭嚌之興覆手以投賓
賓亦覆手以受縮匕于俎上以降尸席末坐啐酒興坐奠爵
拜告旨執爵以興主人北面于東楹東荅拜右取肺取羊
祭肺祭邊後取肺卽東序南挹注時尸祭相屬也縮執匕
俎面匕枋故若是以投卻手受匕枋宜挹嚌之略飲覆手

覆匕標已。膾賓亦覆手受。因匕覆縮匕。俎上標已升以降。匕涪儼醢。猶之酒飲漿飲。不設于席。告目備賓禮。執爵興反筵上位。古文曰東楹之東。

司馬羞羊肉涪縮執俎尸坐奠爵興取肺坐絕祭膾之興反加于俎。司馬縮奠涪俎于羊俎南。乃載于羊俎卒載俎縮執俎以降尸坐執爵以興。稱羞以傳俎。不設名縮執順尸取肺取膾肺反加俎完所實奠涪俎羊俎南。近載載于羊俎從正俎尸坐反加後立待載執爵興爲羞涪俎節。

次賓羞羊燔縮執俎縮一燔于俎上鹽在右尸左執爵受燔。擣于鹽坐振祭膾之興加于羊俎賓縮執俎以降尸降筵北面于西楹西坐卒爵執爵以興坐奠爵拜執爵以興主人北。

面于東楹東荅拜主人受爵尸升筵立于筵末 羊燔燔羊
肝庖在內西塾吉祭當在內東塾次賓羞變正祭賓長從
加羊俎不煩載西楹西坐卒爵儼成獻于此稱升由西楹
西立筵末不專坐

主人酌獻侑侑西楹西北面拜受爵主人在其右北面荅拜
主婦薦韭菹醢坐奠于筵前醢在南方婦贊者執二盞醴蕡
以授主婦主婦不興受之奠醴于醢南蕡在醴東主婦入于
房 酌獻侑饗尸爵不洗在其右就爲位非敵主人荅不稱
拜送降于尸韭菹醢用尸首二豆減二豆醴蕡用尸首二
盞減二盞醢在南變位而右則韭菹在北醴南蕡東南爲
外列侑筵東鄉

侑升筵自北方司馬橫執羊俎以升設于豆東侑坐左執爵
右取菹孺于醢祭于豆間又取醴蕡同祭于豆祭興左執爵
右取肺坐祭之祭酒興左執爵次賓羞羊燔如尸禮侑降筵
自北方北面于西楹西坐卒爵執爵以興坐奠爵拜主人荅
拜 自北方由東右還辟率易橫執變傳俎之縮豆東豆間
鄉侑無羊七涪肉涪降尸次賓羞羊燔燔其所職降自北
如其升卒爵西楹西不敢異于尸

尸受侑爵降洗侑降立于西階西東面主人降自阼階辭洗
尸坐奠爵于篚興判卒洗主人升尸升自西階主人拜洗尸
北面于西楹西坐奠爵荅拜降盥主人降尸辭主人對卒盥
主人升尸升坐取爵酌司宮設席于東序西面主人東楹東

北而拜受爵尸西楹西北面荅拜 尸受侑爵降筵由其左
降洗爲醕待獻侑而醕總侑之醕侑降立西階西牀升降
位尸升侑不從不敢與醕主人拜洗復東楹東位設席因
醕成位東序西面對侑筵東楹東北面拜受尸授爵就主
人左不干筵正祭之餘尊西楹西荅拜授爵反位稱荅不
稱送亦以尊

主婦薦韭菹醢坐奠于筵前菹在北方婦贊者執二盞醢
主婦不興受設醢于菹西北醢在醢西主人升筵自北方主
婦入于房 韭菹醢同侑豆菹在北醢在南醢贊同侑盞菹
西北不屬豆贊在醢西右爲北列主人變侑爲侑變尸升
筵自北由西左還主婦俟主人升筵而后入房別于薦侑

今文云婦贊者執醴蕢。

長賓設羊俎于豆西主人坐左執爵祭豆籩如侑之祭興左執爵右取肺坐祭之祭酒興 長賓設羊俎與尸同賓主禮豆西兩豆間如侑之祭豆籩等侑右取肺兼取羊肺祭肺祭之敘祭興標卒祭俎。

次賓羞匕清如尸禮席末坐啐酒執爵以興羞匕清加于侑俎酒祭後儀席末啐降卒之敘執爵興卒祭匕清。

司馬羞羊肉清縮執俎主人坐奠爵于左興受肺坐絕祭臠之興反加于清俎司馬縮奠清俎于羊俎西乃載之卒載縮執虛俎以降主人坐取爵以興羞羊肉清加于侑奠爵于左辟右祭由司馬所執俎取肺故稱受猶受也奠羊俎西。

當黃南取爵興卒祭肉滫儀同尸不如者爲滫俎西奠
次賓羞燔主人受如尸禮主人降筵自北方北面于阼階上
坐卒爵執爵以興坐奠爵拜執爵以興尸西楹西荅拜主人
坐奠爵于東序南降筵卒祭燔自北方降如升阼階上卒
爵就主位所以賓尸及侑尸西楹西荅拜不因主人變位
奠爵東序南直席左將用獻賓辟主婦取爵

侑升尸侑皆北面于西楹西主人北面于東楹東再拜崇酒
尸侑皆荅再拜主人及尸侑皆升就筵侑升醋畢復尸西
位皆北面于西楹西標尸荅拜後不改位再拜崇酒賓之
侑從尸荅拜要其終以節醋儀尸侑升筵因主人揖故由
主人及

司宮取爵于篚以授婦贊者于房東以授主婦主婦洗爵于房中出實爵尊南西面拜獻尸尸拜于筵上受主婦西面于主人之席北拜送爵入于房取一羊鉶坐奠于韭菹西主婦贊者執豕鉶以從主婦不興受設于羊鉶之西興入于房取糗與服脩執以出坐設之糗在蕢西脩在白西興立于主人席北西面尸坐左執爵祭糗脩同祭于豆祭以羊鉶之柶挹羊鉶遂以挹豕鉶祭于豆祭祭酒房東房戶東尊南西面拜據酌位爲進獻位尸拜于筵上受起主婦奠于筵拜送于主人席北退就主人右成俠拜韭菹西當纒北羊鉶西當蕢北先兩鉶重牢味入房執出兩邊可自反不待贊蕢西糗北白西脩南立主人席北反就位尸祭先糗脩鉶宜

後酺遂以挹起豕鉶有栖尸順所宜祭酒節主婦設今文
服爲斷

次賓羞豕匕清如羊匕清之禮尸坐啐酒左執爵嘗上鉶執
爵以興坐奠爵拜主婦荅拜執爵以興羞豕匕清佐鉶祭
爲豕爵先次賓羞非正俎上鉶羊鉶特嘗上鉶貴主婦所
取奠

司士羞豕爵尸坐奠爵興受如羊肉清之禮坐取爵興豕
爵豕俎主婦獻設副牲司士羞羞所載

次賓羞豕燔尸左執爵受燔如羊燔之禮坐卒爵拜主婦荅
拜受爵豕燔豕炙肝坐于筵末卒爵拜執爵拜主婦受爵
進受

酌獻侑侑拜受爵主婦主人之北西面荅拜主婦羞糗脩坐
奠糗于醴南脩在黃南侑坐左執爵取糗脩兼祭于豆祭司
士縮執豕鬻以升侑興取肺坐祭之司士縮奠豕鬻于羊俎
之東載于羊俎卒乃縮執俎以降侑興次賓羞豕燔侑受如
尸禮坐卒爵拜主婦荅拜受爵 酌因尸爵不洗獻侑于筵
前侑拜受爵于筵上稱荅拜獻不先拜醴南黃南糗脩爲
外列祭邊畢卽祭酒因無鉶殺于尸取肺坐祭不躋別于
尸豕鬻躋肺縮奠羊俎東載之西侑興亦執爵卒爵拜因
坐不興今文無西面

酌以致于主人主人筵上拜受爵主婦北面于阼階上荅拜
主婦設二鉶與糗脩如尸禮主人共祭糗脩祭鉶祭酒受豕

匕渚拜啐酒皆如尸禮管鉶不拜其受豕爵受豕燔亦如尸
禮坐卒爵拜主婦北面荅拜受爵 酌主人變獻稱致致于
筵筵上拜受同于尸受阼階荅拜內主得埽外主位如尸
禮謂專設贊設其位羊鉶當韭菹北豕鉶在羊鉶北糗在
豕鉶西脩在糗西共同共祭敍取同祭先拜後啐酒故嘗
鉶不拜變于尸北面荅拜仍阼階上位受爵主人授于筵
末

尸降筵受主婦爵以降主人降脩降主婦入于房主人立于
洗東北西面脩東面于西階西南尸易爵于篚盥洗爵主人
揖尸脩主人升尸升自西階脩從主人北面立于東楹東脩
西楹西北面立尸酌主婦出于房西面拜受爵尸北面于脩

東荅拜主婦入于房。尸降筵當主婦左。受主婦爵。標爲醋。主人降。敵尸。代主婦禮。侑降從尸。主婦入房。辟堂下禮。主人立洗。東北西面變位。俟洗不辭洗。非爲己洗。侑東面于西階西南。亦少變于尸。醋主人時從降位。易爵。尊主婦先盥。不再降。揖尸及侑。侑將從尸升。就尊。侑從者。主婦席于房。不嫌辟于堂。主人不拜洗。非受醋主北面立。東楹東反位。豫主婦受爵位。侑西楹西北面立。因主人辟筵位。虛尸右位。尸酌北面。既酌。尊南東面。主婦出房。婦贊者告尸醋。西面拜受。就主人北。侑東荅拜尸。授爵復位。主婦入房。執爵以入。

司宮設席于房中南面。主婦立于西席。婦贊者薦韭菹醢坐。

奠于筵前菹在西方婦人贊者執饔餼以授婦贊者婦贊者
不興受設饔于菹西賁在饔南 西席筵末辟薦菹在西方
醢在東方婦人贊者婦贊者佐饔西賁南列右南陳今文
云南面立于席西。

主婦升筵司馬設羊俎于豆南主婦坐左執爵右取菹擣于
醢祭于豆間又取饔餼兼祭于豆祭主婦奠爵興取肺坐絕
祭臍之興加于俎坐挽手祭酒啐酒 司馬設羊俎同之俎
侑降尸主婦降主人于豆南菹醢間坐挽手婦人亦左佩
紛帨祭酒卽啐酒以無錮與匕渚促其節古文挽作說。

次賓羞羊燔主婦興受燔如主人之禮主婦執爵以出于房
西面于主人席北立卒爵執爵拜尸西楹西北面荅拜主婦

入立于房戶主人及侑皆就筵 次賓羞不降于主人席北
卒爵因主人席成酢執爵拜將以入立于房直席末戶荅
拜揖主人就筵而后侑就故由主人及侑

上賓洗爵以升酌獻戶戶拜受爵賓西楹西北面拜送爵戶
奠爵于薦左賓降 稱上賓別于設俎賓長酌獻戶筵西東
面備三獻戶拜受于筵賓西楹西拜送疑侑左位奠爵薦
左以主人尙未獻賓賓降就門東待獻

主人降洗觥戶侑降主人奠爵于篚辭戶對卒洗揖戶升侑
不升主人實觥酬戶東楹東北面坐奠爵拜戶西楹西北面
荅拜坐祭遂飲卒爵拜戶荅拜降洗戶降辭主人奠爵于篚
對卒洗主人升戶升主人實觥戶拜受爵主人反位荅拜戶

北面坐奠爵于薦左尸侑主人皆升筵降洗解先酬尸而
后獻賓尸侑降侑從尸降揖揖尸及侑侑不升辟酬尸實
解酬尸舉鄉尸尸拜受爵拜興進受于薦右反位東楹東
位尸北面坐鄉筵位奠爵薦左左于上賓獻爵既奠反位
主人揖升筵故尸侑先侑栗階

乃羞宰夫羞房中之羞于尸侑主人主婦皆右之司士羞庶
羞于尸侑主人主婦皆左之乃羞已酬尸有羞節有席者
兼兩羞故先羞房中羞內羞天官醢人掌羞豆之實醢食
糝食籩人掌羞籩之實糗餌粉飧宰夫羞爲兼職內膳庶
羞外羞謂羊臠豕臠皆有醢醢其他禽獸蟲魚死生蠃螯
統名庶羞司士佐司馬設故羞庶羞右陰位左陽位

主人降南面拜眾賓于門東三拜眾賓門東北面皆荅一拜
主人洗爵長賓辭主人奠爵于篚興對卒洗升酌獻賓于西
階上長賓升拜受爵主人在其右北面荅拜宰夫自東房薦
脯醢醢在西司士設俎于豆北羊胾一腸一胃一切肺一膚
一賓坐左執爵右取肺孺于醢祭之執爵興取肺坐祭之祭
酒遂飲卒爵執爵以興坐奠爵拜執爵以興主人荅拜受爵
賓坐取祭以降西面坐委于西階西南宰夫執薦以從設于
祭東司士執俎以從設于薦東 南面純尊變特牲西面門
東北面議伯後辟禮位皆荅一拜以主人旅之洗爵爲長
致潔醢在西脯在東設俎豆北賓北面羊胾右下體有腸
胃切肺膚以長賓興因沒載文詳之荅拜仍右位受爵以

弟不拜既爵升授爵再言宰夫贊酌標屬獻賓不變辯則
宰夫降奠于篚于羣私人不荅拜以尤卑略位繼兄弟南
起初入時位亦北上不西上主人成尊若有公有司則西
上亦不東上亦亦內賓薦爵皆設于位古文曰升就筵

尸作三獻之爵司士羞清魚縮執俎以升尸取膾祭祭之祭
酒卒爵司士縮奠俎于羊俎南橫載于羊俎卒乃縮執俎以
降尸奠爵拜三獻北面荅拜受爵尸作爵因三獻升作稱
清魚起制魚有清賓獻而羞終備陪俎縮奠以載如羞豕
胾儀橫載不改法于羊俎傳俎坵正俎北面荅拜仍西楹
西位

酌獻侑侑拜受三獻北面荅拜司馬羞清魚一如尸禮卒爵

拜三獻荅拜受爵 酌獻侑饗尸爵侑拜受于筵北面荅拜
如荅尸位司馬羞間司士爲文

酌致主人主人拜受爵三獻東楹東北面荅拜司士羞一清
魚如尸禮卒爵拜三獻荅拜受爵 稱致賓不獻主從主婦
名不洗同于侑變特性主人拜受于筵東楹東荅拜近主
人筵爲位受爵進受退復西楹西不致主婦主婦無魚變
特性

尸降筵受三獻爵酌以酢之三獻西楹西北面拜受爵尸在
其右以授之尸升筵南面荅拜坐祭遂飲卒爵拜尸荅拜執
爵以降實于筐 尸降筵自西方受三獻爵由其左西楹西
拜受爵受于獻位尸在其右從主人所實尸升筵荅拜如

受獻之拜

二人洗觶升實爵西楹西北面東上坐奠爵拜執爵以興尸
侑荅拜坐祭遂飲卒爵執爵以興坐奠爵拜尸侑荅拜皆降
洗升酌反位尸侑皆拜受爵舉觶者皆拜送侑奠觶于右

二人洗觶舉于尸侑爲酬始西楹西北面依上賓獻位東
上長在右近尸筵尸侑荅拜知其爲己各荅于筵皆拜受
爵長授尸次授侑皆于筵皆拜送皆反位侑奠觶讓尸先
酬于右標將舉

尸遂執觶以興北面于阼階上酬主人主人在右坐奠爵拜
主人荅拜不祭立飲卒爵不拜既爵酌就于阼階上酬主人
主人拜受爵尸拜送尸就筵遂者既受不奠阼階上酬主

人變酢時位不祭立卒降于始受酬言就于者自飲阼階上嫌酌酬反西楹西就筵辟酬侑

主人以酬侑于西楹西侑在左坐奠爵拜執爵興侑荅拜不祭立飲卒爵不拜既爵酌復位侑拜受主人拜送主人復筵西楹西就其位尊侑殊于眾賓侑在左賓位不變主人復筵辟侑酬賓

乃升長賓侑酬之如主人之禮至于眾賓遂及兄弟亦如之皆飲于上遂及私人拜受者升受下飲卒爵升酌以之其位相酬辯卒飲者實爵于筵升長賓宗人相言乃俟主人升筵至于眾賓以次而南辯兄弟言遂及眾賓卒受者適阼階升長兄弟皆飲于上以兄弟卒受者爲之節遂及私人

因主黨酬及拜受者謂其長言升受拜在下升受下飲不變于受獻降旁尊嫌慢主人以以爵之適其位長右位相酬辯以次畢皆飲于下

乃羞庶羞于賓兄弟內賓及私人旅而后羞簡于尸侑主人主婦日庶羞減房中羞羞賓當俎北兄弟當俎南內賓依獻位則俎東私人如兄弟

兄弟之後生者舉觶于其長洗升酌降北面立于阼階南長在左坐奠爵拜執爵以興長荅拜坐祭遂飲卒爵執爵以興坐奠爵拜執爵以興長荅拜洗升酌降長拜受于其位舉爵者東面荅拜爵止兄弟後生舉觶禮由主黨始降立阼階南不干堂上位長在左舉觶者右拜受于位起升酌時長

復西面位東面荅拜鄉長起後生仍位階南爵止長受改奠薦南如長賓受酬之奠古文解爲爵延烹中設校書定作解。

賓長獻于尸如初無涑爵不止稱賓長別于三獻上賓猶稱獻以賓長予之名獻于尸欲由尸發酬如初如三獻無涑不佐祭獻已終爵不止尸卽以酬主人遂之。

賓一人舉爵于尸如初亦遂之于下賓一人賓長之次稱舉爵不得有獻名如初如賓長亦遂亦前爵不止之遂下謂堂下

賓及兄弟交錯其酬皆遂及私人爵無筭一交錯其酬者長賓取所奠爵阼階前酬長兄弟長兄弟受以之西階前酬

次賓遂之。長兄弟又取後生所舉奠饌，西階前酬。長賓、長賓受以之。阼階前酬。次兄弟亦遂之。皆遂及私人。兩酬皆及。旅于位。賓弟子又與兄弟弟子各舉于長。故無筭。

尸出，侑從主人送于廟門之外。拜尸不顧。拜侑與長賓亦如之。眾賓從司士歸尸。侑之俎，主人退有司徹。尸出，爵止而設。侑從。副尸之道，送于廟門外。賓之特拜，尊尸。顧，煩主人。尸不顧。同于賓。拜侑殊拜。如迎拜。長賓、長賓繼出，亦如之。皆不顧。眾賓從，不更拜。禮統于長。尸侑俎，尸出則徹。司士歸，成主人之敬。主人退，不更入。官徹饌，俎皆出。

若不償尸，則祝侑亦如之。尸食，乃盛俎。臠臂、肫、膾、脊、橫脊、短脅、代脅，皆牢。魚、七臠、辨，無髀。卒盛，乃舉牢肩尸。受振祭，膾之。

佐食受加于所佐食取一俎于堂下以入奠于羊俎東乃撫于魚腊俎俎釋三个其餘皆取之實于一俎以出祝主人之魚腊取于是尸不飯告飽主人拜侑不言尸又三飯佐食受牢舉如饋 饋賓饋尸釋祭若不容有故祝侑亦如之謂獨侑不拜標由七飯後爲之節尸食爲祝一飯俎听俎乃盛以八飯爲節變特牲卒食而後盛正脊正脅骼已牢舉牢肩將舉皆不在盛數目七骨佐食所不舉投皆牢豕體盛同羊體魚七副牲骨爲數舉一盛七俎留七腊辨七骨具無髀嫌用純得盛髀釋之盛骨同牢取一俎于堂下豫于東方奠羊俎東實魚俎東據正俎標位拾餘曰撫撫魚腊俎取盛餘俎釋三个魚三腊唯肩舉得脊脅骼三骨三數

一成為將改設口其餘謂魚四腊髀及左肩肫骼脊脊髀別有制左臂臠亦在取以出奠阼階西視主人魚腊取于是謂祝一魚腊臂或仍兩髀主人一魚腊臂主婦一魚腊臠不言主婦舉主人姦之受牢舉受牢肺正脊加昕如饋同賓尸不殺不加古文撫爲搯

主人洗酌醕尸賓羞肝皆如饋禮卒爵主人拜祝受尸爵尸荅拜祝酌授尸尸以酢主人亦如饋其綏祭其嘏亦如饋其獻祝與二佐食其位其薦羞皆如饋 愿舉主人醕獻無殺標饋無加隆古文浹爲換

主婦其洗獻于尸亦如饋主婦反取盥于房中執棗糗坐設之棗在稷南棗在棗南婦贊者執栗脯主婦不興受設之栗

在糗東脯在棗東主婦興反位尸左執爵取棗糗祝取栗脯
以授尸尸兼祭于豆祭祭酒啐酒次賓羞牢燔用俎鹽在右
尸兼取燔搗于鹽振祭臍之祝受加于斚卒爵主婦拜祝受
尸爵尸荅拜反取籩于房標所異棗在稷南糗在棗南北
上南陳有婦贊者猶特牲宗婦執栗脯入授不興受設變
特牲宗婦戶外坐授栗在糗東東屈脯在棗東北陳反位
主人之北西面取棗糗近尸祝取栗脯贊遠邊稱牢燔兼
羊豕猶特牲兄弟長以燔從用次賓羞純吉皆用賓兼取
燔不煩賓祝受加听變特牲羞燔者受猶取栗脯不用佐
食下主人凡加于正祭皆爲不償盛之

祝易爵洗酌授尸尸以酢主婦主婦主人之北拜受爵尸荅

拜主婦反位又拜上佐食綏祭如饋卒爵拜尸荅拜 拜受爵既拜進受又拜俠拜上佐食綏祭主婦受綏祭如主人今文酢爲酌

主婦獻祝其酌如饋拜坐受爵主婦主人之北荅拜宰夫薦棗糗坐設棗干菹西糗在東南祝左執爵取棗糗祭于豆祭祭酒啐酒次賓羞燔如尸禮卒爵主婦受爵酌獻二佐食亦如饋主婦受爵以入于房 祝拜于筵坐受爵主婦進授宰夫薦變于獻尸與特牲宗婦贊薦異節坐設宰夫進設主婦不受設獻祝尊尤伸棗干菹西北上糗在東南當俎次賓羞燔變特牲兄弟長羞卒爵不興主婦受爵祝坐授特牲則祝卒爵拜主婦荅授如主人受爵入房將爲致主人

爵

賓長洗爵獻于尸尸拜受賓尸西北面荅拜爵止 賓長洗爵三獻饋爵不止止則于祝今于尸爵止欲主人得致爵如特牲止三獻之爵由若不饋尸至此舉其與正祭所同所異此後始純爲不饋儀

主婦洗于房中酌致于主人主人拜受主婦尸西北面拜送爵司宮設席主婦薦韭菹醢坐設于席前菹在北方婦贊者執棗糗以從主婦不興受設棗于菹北糗在東西佐食設俎臂脊脅肺皆牢肩三魚一腊臂主人左執爵右取菹濡于醢祭于豆間遂祭籩羹爵興取牢肺坐絕祭嚌之興加于俎坐扼手祭酒執爵以興坐卒爵拜主婦荅拜受爵 酌致主人

沿特牲節主人拜受仍西面位戶西北面拜送右主人司
宮設席戶內西面主婦薦豆尊主人變特牲宗婦贊薦坐
設東面蒞在北醢在南婦贊者薦邊主婦不自反比獻尸
之贊聚于蒞北當右爲列糗在東西南豫俎位佐食設俎
當豆西臂脊脅肺如饋羊肉湑俎皆牢標豕體同饋豕禘
膚三魚一亦如饋腊臂用左臂不過牢骨此卽取于佐食
所盛堂下俎殺于饋羊腸一羊胃一加腊臂減燔從宗人
不贊祭變特牲

酌以酢戶內北面拜主人荅拜卒爵拜主人荅拜主婦以爵
入于房酌不更爵不洗沿特牲自酢儀戶內北面拜仍致
位以爵入房卒致未卽受致變特牲主人卽洗爵轉致少

自前頁目一
牢禮文主人尊亦伸當待三獻賓敘致

尸作止爵祭酒卒爵賓拜祝受爵尸荅拜祝酌授尸賓拜受
爵尸拜送坐祭遂飲卒爵拜尸荅拜獻祝及二佐食尸作
止爵欲主婦得三獻致爵祝酌授爲尸酢及二佐食沿特
牲儀儼則獻祝祝奠爵筵前不及佐食

洗致爵于主人主人席上拜受爵賓北面荅拜坐祭遂飲卒
爵拜賓荅拜受爵洗變于獻祝及二佐食席上拜受爵同
于尸祝主人尊

酌致爵于主婦主婦北堂司宮設席東面主婦席北東面拜
受爵賓西面荅拜婦贊者薦韭菹醢醢在南方婦人贊者執
棗糗授婦贊者婦贊者不興受設棗于菹南糗在棗東佐食

設俎于豆東羊臠豕折羊脊脊臠肺一膚一魚一腊臠主婦
升筵坐左執爵右取菹擣于醢祭之祭邊奠爵興取肺坐絕
祭臠之興加于俎坐挽手祭酒執爵興筵北東面立卒爵拜
賓荅拜賓受爵 酌不洗主婦可襲主人爵北堂房北近內
位尤尊設席東面與外主位相變席北東面拜受于席末
變特牲受主人致南面位賓西面荅拜鄉主婦因同特牲
主人荅位菹在南醢在北婦贊者薦兼設棗在菹南當右
爲列糗在棗東北豫俎位豆東菹醢間羊臠葢用左臠同
儼降于主人用臂豕折亦折臠羊脊脊不牢亦降臠肺如
儼膚一減于主人二魚一同主人在主婦爲盛于儼腊臠
用左臠從牢體較儼減腸胃增魚腊而降于特牲無燔從

同主人今文曰婦也贊者。

易爵于篚洗酌酢于主人戶西北面拜主人荅拜卒爵拜主人荅拜賓以爵降奠于篚。易爵不襲主婦爵。因易遂洗標爲酢變酌酢實兼主婦題主人別嫌成酢使主人得專其禮。戶西北面拜復致時位。

乃羞宰夫羞房中之羞司士羞庶羞于戶祝主人主婦內羞在右庶羞在左。乃羞如饋主人酬戶後之羞亦因有內羞先羞。特牲無內羞不先羞。

主人降拜眾賓洗獻眾賓其薦爵其位其酬酢皆如饋禮主人洗獻兄弟與內賓與私人皆如饋禮其位其薦爵皆如饋禮卒乃羞于賓兄弟內賓及私人辯。此舉羞後獻禮之如

賓洗獻眾賓謂其長卒獻乃辯羞舉其異于饋饋則尸酬主人舉旅乃羞特牲則祭齋乃羞

賓長獻于尸尸酢獻祝致酢賓以爵降實于篚賓長眾賓長尸酢比之三獻賓不及佐食別于三獻正獻致致主人主婦酢自酢于主人皆舉其異賓則二人舉觶尸以酬主人特牲長兄弟加爵不及佐食致無酢眾賓長加爵如之皆在祭齋前

賓兄弟交錯其酬無筭爵交錯其酬皆及私人

利洗爵獻于尸尸酢獻祝祝受祭酒啐酒奠之利洗獻沿特牲用爵變特牲用散尸酢亦沿特牲獻祝沿特牲及祝祭啐敬終如始奠之爵當止因爲文變特牲利受降實散

于能止于獻者之質

主人出立于阼階上西面祝出立于西階上東面祝告于主人曰利成 面位告儀俱同正祭復出嫌不償異

祝入主人降立于阼階東西面尸謏祝前尸從遂出于廟門祝人則尸謏同正祭退文于主人降後者主人以祝入爲降節

祝反復位于室中祝命佐食徹尸俎佐食乃出口俎于廟門外有司受歸之徹阼薦俎 祝反復位主人亦入于室同正祭尸俎卽所俎正祭時降設阼階南出于廟門外以不償同特牲特牲又云徹庶羞設西序下少牢又增房中羞徹設當同有司司士屬受歸如饋徹阼薦俎特牲在養後今

在養前亦當設東序下。

乃養如饋卒養。不言報。姪卒養中。古文養作餽。

有司官徹饋饌于室。中西北隅南面如饋之設。右几。牀用席。納一尊于室中。司宮掃祭。官猶公。各徹所設。別于特牲佐食。徹亦別于後之婦人徹。南面。正陰位于室。變與位。東面如饋設。設位不易。右几在饌西。牀用席。變特牲用筵。祭豆間祭。司宮掃。表潔清。古文右作侑。牀作第。

主人出立于阼階上。西面祝。執其俎以出。立于西階上。東面。司宮闔牖戶。祝告利成。乃執俎以出于廟門外。有司受歸之。眾賓出。主人拜送于廟門外。乃反。出立阼階上。西面。仍前待告位。變特牲卒養出。不入視設。視立西階上。東面。仍前。

告位亦變特牲命徹設阼俎豆籩乃執俎出司宮闔牖戶
變特牲佐食闔有司受歸勞祝凝尸眾賓出自執俎投從
者乃反退息

婦人乃徹徹室中之饌婦人乃徹以有司畢徹爲節文于
特牲宗婦先室設而徹室中饌西北隅之設起主婦內賓
薦俎從徹

弟子傅守中校勘

儀禮黃周卷十七終

壽櫟廬第二子吳銑再校